

Fiscal a adverti cu lo cuminsa caso contra Besaril pa e paga bek 197 mil Florin

Awe ta cuminza cu Fase 2 di renobacion rond di Kapel Alto Vista



ORANJESTAD (AAN): Ya caba Fase 1 a finaliza, y informacion nobo di Departamento di Obra Publico ta indica, cu nan ta cla pa Fase 2, den cuadro di e proyecto "Embeyecemento Kapel di Alto Vista".

Fase 2 lo cuminsa awe Diahuebs, 13 di maart 2025 y ta proyecta pa caba 11 di April 2025.

Segun DOW a splica, Fase 2 ta encera e.o. estructura e parkeerplaats di santo cu alineacion di klinkers. Traha un caminda y acera di klinkers, acera y e "planchi" dilanti Kapel tambe lo bin di klinkers.

Pa loke ta plantacion, lo pone matanan di Aloe y Kuk-wisa.

Tuma bon nota cu durante construccion di Fase 2, ni UTV, ni ATV y Busnan no lo por pasa y ni parkeer dilanti di e Kapel mas. Cada uno lo ricibi un luga asigna di parkeer.

E luga asigna di parkeer pa UTV/ATV lo ta na e parti patras di Kapel. E luga asigna di parkeer pa Busnan lo bira algun meter prome cu yega e Kapel.



Presidente di CUA Frans Ponson:

Comerciantenan tur a haya carta di banconan cu entrante 1 di April e tarifa di 'bank charge' ta subi

- Ta adverti consumidor cu prijs di tur cos ta subi!
- Lo carga 'bank charge' na pueblo

Comision Celebracion Dianan Nacional

Preparando varios actividad nacional den cuadro di celebracion di e 49 aniversario di Himno y Bandera



ORANJESTAD (AAN): Durante un conferencia di prensa, Junior Arends di Comision Celebracion Dianan Nacional (CCDN) relaciona cu celebracion di Dia di Himno y Bandera. Dia 18 di maart proximo, Pueblo ta celebra nos dia nacional, Dia di Himno y Bandera, cu e aña aki lo cumpli su di 49 edicion. Un ocasion di union nacional, cu ta fortalece nos identidad, nos herencia cultural y patriotismo.

E aña aki, un biaha mas Ministerio di Cultura hunto cu Comision Celebracion Dianan Nacional ta encarga cu eventonan oficial di Gobierno di Aru-

ba. E tema di e aña aki ta 'Ban celebra ken nos ta, nos identidad'.

Arends a splica cu e calendario di eventonan a cuminsa diaranson awo cu competencia di Poeta di Patria, riba Diabierna dia 14 di maart y diadomingo 16 di maart lo tuma lugar e festival 'Un canto na nos Himno y Bandera', cu ta encera un concurso di composicionnan dedica na nos pais.

Diasabra 15 di maart lo tuma lugar un anochi cultural combina cu un feria culinario, cu lo conta cu presentacionnan di tipiconan, cah'i orgel, musica, baile, kiemen un

show cultural pa celebra henter e weekend nos dia nacional.

Dialuna lo tin e manifestacion cultural dedica na nos Himno y Bandera, pa 8'or di anochi lo inicia cu un show cultural y un feria culinario cu mas di 40 tent. Esaki lo tuma lugar riba Plaza Betico Croes. Desde 6'or caba e tentnan lo ta habri. Riba dia 18 mes, lo tuma lugar e actonan protocolar y desfile, cu lo conta cu presencia di mandatarionan y invitadonan di exterior.

Un invitacion ta pa henter comunidad bini hunto y celebra nos dia nacional cu hopi orguyo.

Presidente di CUA Frans Ponson:

Comerciantenan tur a haya carta di banconan cu entrante 1 di April e tarifa di 'bank charge' ta subi

- Ta adverti consumidor cu prijs di tur cos ta subi!
- Lo carga 'bank charge' na pueblo

ORANJESTAD (AAN) Comerciantenan Uni Aruba, a yama un conferencia di prensa, den cual su Presidente Frans Ponson, a bolbe referi na un informacion cu el a trece dilanti aña pasa caba, y esaki ta cu banconan comercial ta bay hisa nan tarifa di "bank charges" y cu carchi di maestro ta stop, y aworaki Debit Card ta bira Mastercard of ta bira Visa.

Ponson a señala cu e ta representa hopi compania chikito den su mayoria y nan a trece algo dilanti cu tin CUA



hopi preocupa, y esaki nan ta informa pueblo awo, y e resto di e comerciantenan pa tuma nota di esey y wak con ta bay haci cu ne. "T'asina cu tur comerciante a haya

un carta di tur e banconan, cu e cifra (bank charge) ta bay cambia cu ta explicitamente, loke CUA a indica aña pasa, cu debit card no ta bay tey mas, y esey ta for di

entrante 1 di April 2025.

"E range di e banconan ta di 4% bin abao. Nos tin e cartanan den nos man, di tur nos miembronan. Tin banconan ta cobra 4% djey ta bin abao te 2% y depende di ki carchi bo uza di mesun banco e por bay un tiki mas abao", Frans Ponson a splica.

El a agrega cu CUA a haci un calculacion pa e pueblo y e comerciantenan wak kico e gastonan ta. "Nos a trece dilanti cu na 2007 ningun hende a pensa cu e BBO ta bay crece asina hopi, y cu e problema aki di 'bank charges' ta bay crece. E tempo ey e BBO a worde traha cu bo ta paga BBO riba BBO tambe", el a

señala. Segun e calculacion di CUA, si un banco cobra bo 2%, si e comerciante kier 100 Florin e mester cobra bo 9.9% awe pa e por keda cu 100 Florin, pasobra di e 9.9% ey 7% ta bay pa BBO, 2% pa banco, pa e comerciante keda cu 100. "Pasobra ta resulta awo cu nos ta paga BBO riba e bank charges aki, y esey tambe nos tin cu pas'e na e consumidor. Si un banco ta cobra bo 4%, awe tin comerciante cu ora bo bin swipe bo carchi nan ta cobra bo 4% extra. Total un comerciante mester cobra bo 12.36%, pa e por djis e resta loke e tabata kier pa resta", Frans Ponson a señala.

For di cinema awor den bo sala na cas

Documentario 'Turning the Tide' lo pasa otro siman na TV



ORANJESTAD (AAN): Diaranson mainta, Aruba Conservation Foundation (ACF) a anuncia cu den colaboracion cu Telearuba, a haya un timeslot pa asina pasa e tan comenta documentario 'Turning the Tide'.

Telearuba lo transmiti 'Turning the Tide' pa henter Aruba en conexion cu e celebracion di Dia Himno y Bandera y

asina trece un storia di inspiracion den cada cuidadano su hogar. Ta hopi hende a bay mira e documentario aki den cinema na Aruba, y a splica cu e ta habri bo wowo pa tur aspecto di futuro di e isla.

Graba cu fondonan di e programa di EU RESEMBID, 'Turning the Tide' ta un documentario yena cu emocion y accion di un storia real

cu ta mustra compromiso, union, y speranza ora cu un comunidad ta bin hunto pa naturalesa. Marca e dia den bo calendar: E lo pasa riba Diasabra 18 di Maart y tambe Diasabra 22 di Maart pa 6:00 pm via Canal 13.

Trece bo famia y amigonan hunto pa wak e storia di conservacion di e lugar cu nos ta yama cas.

AANKONDIGING

Land Aruba

Op 11 maart 2025 heb ik, Sharine M. L. Geerman, belastingdeurwaarder, kantoorhoudende te Aruba aan de Camacuri # 2 dertien (13) dwangschriften betekend aan – **Herbert Peterson** -, voorheen wonende te Aruba thans zonder bekende woon- en verblijfplaats binnen en buiten Aruba, en op last van de daarin genoemde Ontvanger der belastingen die tot het einde van de executie domicilie kiest aan zijn kantoor te Aruba, Camacuri # 2, aan die genoemde belastingsschuldige bevel gedaan om binnen **TWEE DAGEN** het bedrag dat thans invorderbaar is met de kosten van betekening en de verschuldigde rente te voldoen, met aanzegging dat, bij gebreke van betaling, zal worden overgegaan tot inbeslagneming en verkoop van zijn roerende en/of onroerende zaken of door middel van beslag op zijn vorderingen op derden zulks tot verhaal van het op de datum van inbeslagneming invorderbare bedrag en kosten. Aangezien de woon- en/of verblijfplaats van de belastingsschuldige voornoemd onbekend zijn, heb ik, belastingdeurwaarder, van de dwangschriften met bijbehorende aktes van betekening, afschrift gelaten aan de directeur van de Directie Wetgeving en Juridische Zaken, Schotlandstraat 53, Oranjestad.

De belastingdeurwaarder voornoemd



Departamento di Impuesto

Interes riba debe nacional ya ta stroba proyectonan pa grandinan

Medidanan contra turismo ta destrui bienestar nacional

**Turismo di Aruba mester enfrenta retonan mundial y di clima*

**Fondonan pa adulto mayor tambe ta depende di ingreso turismo*

ORANJESTAD (AAN) — E interes cu Aruba mester paga riba debenan, segun cifranan oficial di Reino, na e momentonan aki ta 17 Florin riba cada 100 Florin. Pues 17 por ciento di pagonan cu Aruba mester haci, ta bay na paga e debenan di e pais.

Manera informantenan experto di DIARIO ta mostra, e peso di debenan cu Mike a crea deliberadamente pa Aruba durante su gobernacion, a bira peso cu ta stroba comunidad di hinca mas placa den e reto serio cu ta manifesta su mes mundialmente den cuido di ancianonan.

“E forma cu Mike Eman atrobe ta scoge pa uza grandinan pa e haya mas voto, sin duda ta entrega e prueba cu no por considera Mike Eman ministeriabel. Mike a presenta un promesa sin ningun base cu e por cumpli cune, informantenan a indica.

“Ora papia di Mike Eman, ta papia di un persona cu a hinca Aruba den aventura serio, cu a afecta e carter di e ciudadano no solamente cu e pago di belasting pa cubri su debenan,” a bini dilanti.

Aruba a keda sin entrada di Citgo, pero ta wordo lubida kico a pasa cu e Pueblo di Aruba cu Mike Eman a hipnotisa cu su promesanan di un rio di oro pa Aruba y tur Arubiano, y a base di esaki a haci debe enorme na incluso banconan.

“Kico a pasa na Aruba na 2017? Negoshinan no tabata sa kico haci cu nan mes y tur nan inversionnan en espera di un crecimiento economico enorme a base di e siguranza cu Mike a duna cu Citgo lo trece bonanza pa e pais,” informantenan clave a duna di conoce.

A wordo muestra cu en espera di Citgo, cantidad di hende a haci debe grandi y a cuminsa mara nan mes na compra di tur loke nan a pensa nan lo por a paga cu interes, ora Citgo drenta Aruba.

Na 2017 un crisis mucho mas severo cu generalmente ta wordo pensa, a presenta su mes na Aruba no solamente pa medidanan di Hulanda pero pa debenan enorme cu cantidad di ciudadano y compania a haci en espera di yegada di Citgo. Manera ta wordo splica awor na DIARIO, 2017 a topa cu un Aruba completamente confuso, cu debe personal y empresarial, mientras ni Ban-

co Central mes por a bisa kico lo a pasa a base di e promesanan falso di Mike Eman. Na mes momento loke si tabata un hecho, a bira e peso nobo di pago di tur e debenan cu Mike a laga atras pa Pueblo paga, mientras e mes a huy.

“Awe historia ta ripiti,” informantenan sumamente preocupa ta indica. Ta hustamente e hecho cu Mike Eman a laga Aruba den debe, a afecta tambe tur loke comunidad tabata tin disponible pa a crea mas espacio cu a wordo crea, pa por a atende cu e situacion di grandinan, cu e debe di Mike tambe a stroba di goza di mas entrada y beneficio di Aruba.

Na e momentonan aki ta e grupo mas vulnerabel di Aruba, cu ta grandinan cu pensioen di behez, a confia den palabra di Mike Eman y awor ta wordo defrauda.

E hecho cu awor Mike Eman ta papia di introduccion di medidanan cu turista mester paga, lo destrui e pais economicamente y financieramente. Segun informantenan a keda demostra cu Mike no tabata sabi di kico e ta papia ora el a lanza e promesa di

bay aumenta pensioen di behez cu 700 Florin pa asina e haya voto di personanan cu ta goza di pensioen di behez. Mike a abusa di un necesidad social a t r o b e, manera informantenan ta trece dilanti.

“Mike awe kier mishi cu e baca cu ta produci lechi pa henter Aruba na un momento di crisis mundial. Aumento di cualkier tarifa pa e turista, automaticamente ta afecta e sector di turismo cu a haci inversionnan enorme pa alcanza logronan actual,” a bini dilanti.

Informantenan ta indica cu na e momento cu bira conoci cu lo introduci medidanan financiero den mundo di turismo, Aruba a condena e galiña cu ta pone webo di oro, na morto.



Suspense enorme y creciente ta reina na Aruba, cu a traha duro riba su recuperacion den un tranquilidad, harmonia y speranza te na momento cu Mike Eman a bolbe pa ripiti su entrada glorioso manera a socede na 2009 ora el a priminti di deshaci di BBO y a hiba un maneho cu a aumenta tur peso di belasting pa Aruba.

Hopi preocupacion ta reina den tur sector cu ta conciente di gastonan cu ta spera tanto


poblacion como sector di turismo y comercio en general relaciona cu medidanan pa cambio di clima, cu na paisnan grandi ya ta forma problema serio. Si na e momentonan aki bay aumenta peso pa turismo, turistanan ta keda cas of ta dicidi pa otro destinacionnan, cu gustosamente lo reemplaza Aruba riba lista di destinacion pa asina asegura nan mes mas entrada den temponan mundial dificil.

Dos turista haya basta leu for di costa

Rescate pabao di Aruba di dos turista riba Waverunner

ORANJESTAD (AAN): Tabata Diamars atardi, cu Centro MOC di Wardacosta di Caribe Hulandes a ricibi un notificacion di un compania di watersport den area di Eagle Beach cu tin dos turista perdi riba lama.

E compania di Watersport mes na comienzo a bay busca e dos turistanan riba lama y a bin topa cu un Waverunner, pero no tabatin ningun persona ariba. Mesora e Centro di Operacion (MOC) di Wardacosta a dirigi e helicopter y un Metal Shark pa busca e dos turistanan riba lama. Durante e buskeda a bin topa cu e otro Waverunner na como 3 miya for di costa di Hadicurari cu un hende homber so ariba. Ya na e momento ey solo a baha, y esaki a cuminsa dificultad e buskeda di e dos persona.



Pero usando tecnologia di FLIR, dado momento e Helicopter a bin detecta y mira un hende homber den lama na mas o menos 2.7 miya for di costa. Cu e relato aki, Centro MOC a dirigi e Metal Shark pa bay saca e homber for di lama.

Esaki a resulta di ta e otro turista hende homber

cu tabata perdi. Ora a saca e homber for di awa, e homber aki a indica cu e no tabata sinti su culpa bon. Mesora e helicopter di Wardacosta a bin busca e homber, his'e cu cabuya for di riba e Metal Shark pa hiba e homber aki Aeropuerto Reina Beatrix, caminda un Ambulance ta-

bata warda riba dje pa hibe Hospital.

Den pasado tabatin un pista di aterizahe pa Helicopter na e Hospital di Aruba. Pero ora cu a renoba Hospital y crea hopi edificio nobo, e pista aki a desaparece. Awor ta na Aeropuerto tin di baha pa trece hende malo.

Tres Presidente di Parlamento entre September 2024 y Maart 2025

E appel scondi di discordia den curazon di democracia na Aruba

**Kico a pasa y ta pasa realmente cu loke mester ta Voz di Pueblo?*

**Pakico ainda no tin un Gobierno forma pa e complot politico?*

ORANJESTAD (AAN) — Democracia na Aruba ta pasa den un di su temponan di mayor seriedad hustamente na momento cu e pais a conoce su recuperacion financiero. Contenido real di e estado democratico cu Aruba ta, ta existi pa na e momentonan aki tur atencion wordo dedica na loke a pasa y ta pasa den Parlamento di Aruba, cu ta curazon, alma, di e sistema democratico di epais.

Ora papia di Parlamento, ta papia di e organisacion mas importante di e pais, pasobra ta Parlamento di e pais, mester garantiza e fundeshi di un Pueblo cu den libertad ta lucha pa su bienestar y bienestar di tur su ciudadanonan. Ta hustamente pa garantiza e felicidad y bienestar di ciudadanonan, a yega na e sistema democratico pa participacion di tur ciudadano den e funcionamiento di su Gobierno.

Awor atrobe mester realisa kico ta un Gobierno. Ora uza e palabra “governa” ta uza e forma cu hende a escoge pa un persona encabeza e liderazgo di un grupo pa asina garantiza su bon funcionamiento.

E sentido di libertad, cu ta e vehiculo principal pa na un forma comunitario por percura pa e bienestar di tur persona sin distincion material of di herencia, mester por haya expresion den un Parlamento cu pa por funciona “liber” na interes di tur miembro di comunidad, ta existi transparencia.

No mester tin pregunta

serio den Pueblo, kico ta pasa tras di cortinan politico cera, ya cu segun democracia no por existi cortina entre Pueblo di su Parlamento.


Sinembargo, na e momentonan aki na Aruba, ningun hende por comprende kico a pasa realmente den Parlamento di Aruba y a kibra e tranquilidad gubernamental cu Aruba tabata conoce bou liderazgo di Gobierno Evelyn Wever-Croes, cu a produci e recuperacion milagroso di Aruba cu a bira un ehempel di bon gobernacion na interes di Pueblo, den Reino y na henter mundo y hasta den historia politico di Aruba.

Algo dramatico a pasa den tur silencio, inaceptabel pa un sistema democratico di un pais, y a bira un golpe politico di estado cu a logra manda Gobierno Evelyn Wever-Croes cas pa asina habri porta pa un Gobierno nobo, cu te ainda e originadornan di e complot no a logra forma.

E loke ta pasa den seno di gobernacion na Aruba na e momentonan aki, mester wordo cuestiona pasobra no ta normal loke a pasa Aruba ni loke ta pasa Aruba.

Con por ta posibel cu e grupo den coalicion na 2024 a forma un complot cu a pone final na un forma obvio, historico y ridiculo na e coalicion entre MEP y Raiz?

Un pregunta cu sigur mester di contesta si tene na consideracion cu tin un miembro di Gobierno Evelyn Wever-Croes, cu ta tambe dirigente di oposicion di Evelyn



Wever-Croes den Parlamento di Aruba.

Pueblo mester cuminsa splicacion di tur e asuntonan historico y misterioso segun democracia, cu a y ta deszaroya den seno di Parlamento di Aruba for di 2024.

Pakico te awor e partidonan cu a haci cu Gobierno Evelyn Wever-Croes mester a entrega su retiro, no por forma e Gobierno cu nan mester tabata tin na mente, ora nan a manda Gobierno Evelyn Wever-Croes cas?

Acaso ta di cualkier grupo politico, Aruba ta propiedad?

Un situacion sumamente serio, cu directamente ta mishi cu e realidad cu miembronan di Parlamento ta representa tur miembro di comunidad di Aruba y no ta un mundo riba nan mes, ta presente na Aruba.

E bienestar di Aruba ta na wega pasobra e situacion actual a paraliza e Gobierno cu a manda cas, mientras te awor no por forma un Gobierno nobo di partidonan cu

a logra loke nan tabata kier cu e golpe di estado mas absurdo, cu historia di Aruba a conoce.

Aruba ta en espera di loke lo pasa den su Parlamento, cu mester funciona na interes di Aruba y caminda AVP a haya un mayoria a base di otro problema cu e no por

honra y cu no ta mara na un pensamiento ideologico pero na e promesa di mas placa.

Un situacion serio ta presenta su mes na Aruba, estado democratico cu no ta propiedad politico individual y pa Ley no por tin secreto pa Pueblo.



Peticion pa aprobacion di un plan di parcelacion na **Bubali** conforme art. 33 di e Ordenanza di desaroyo teritorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por

wordo hasi na e parcelacion, durante un luna desde dia **13 maart 2025** durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Asuntonan General, Organizacion Gubernamental, Infraestructura i Planificacion Ambiental pa medio di e director di DIP.



Peticion pa aprobacion di un plan di parcelacion na **Bushiri** conforme art. 33 di e Ordenanza di desaroyo teritorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por

wordo hasi na e parcelacion, durante un luna desde dia **13 maart 2025** durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Asuntonan General, Organizacion Gubernamental, Infraestructura i Planificacion Ambiental pa medio di e director di DIP.

Parlamentario fraccion PPA, Otmar Oduber:

E hecho cu dos agente policial a basha 18 bala riba un hoben bao ningun circunstancia ta hustificabel

**E no ta compronde pakico nan no ta deteni*

**Ta cuestiona actitud di Ministerio Publico den e caso aki*

ORANJESTAD (AAN)-- Biniendo un rato riba e tragedia cu a sosode cu e hoben cu a fayece despues cu dos agente policial a los 18 bala den su curpa, Otmar Oduber a haci un fuerte declaracion, pasobra e ta considera cu e hecho aki no ta hustificabel y cu e dos polisnan no ta deteni. Na prome lugar, Oduber a comenta cu Ministerio Publico no a presenta den e reunion unda cu a wordo yama pa nan ta presente, relaciona cu e sucedido aki.

“E organo di mas halto di Aruba, hefenan den e caso aki di gobierno di Aruba, ta yama un Instituto cu ta Ministerio Publico bin aden, hunto cu Cuerpo Policial, SPA y e Minister, pero OM simplemente no a bin. Pa mi, un falta di respet total pa comunidad y pueblo di Aruba. Pero si bo t’ey pa sali pafo pa

crea tur tipo di menaza, intimidacion, ora hende kier expresa pensamiento y opinion riba un sucedido cu no ta bon! “No por hustific’e bao ningun circunstancia, cu un hoben ta perde su bida na man di dos agente policial, cu 18 bala tira den su curpa, no tin hustificacion! No matter si e hoben aki por a comete algo, por a mira algo, por a sa di algo, por a comporta su mes na un forma no debido, 18 bala no ta hustifica loke a tuma lugar un luna pasa, y pesey nos ta adresa esaki awe”, Parlamentario Otmar Oduber, Lider di PPA, a remarca fuertemente.

E parlamentario a sigui bisa cu Diabierna ultimotabatatinunaccion unda a wordo entrega na Presidente di Parlamento un manifesto, cu e ta contento di a mira den dje, entre otro, cu



mester a tuma lugar test psicologico, test di droga, y cu Ministerio Publico a actua na un forma no transparente. “Como miembro di Parlamento, nos no ta pidi ningun informacion di e onderzoek, pero si nos kier sa kico ta e protocolonan cu tin, cu ta aplicable den casonan similar, no investigacion. Con ta posible cu dos hende di KPA cu tabata presente ta tira contra un

ciudadano cu a perde su bida, kieren no tin ni un testigo mas, pero e dos personanan aki no ta wordo ‘aangehouden’, separa for di otro pa evita cu bo ta mancha e investigacion cu mester tuma lugar. Ni un hende por compronde, anto ora bo yama Ministerio Publico aden, pa contesta riba e preguntanan aki, simplemente bo no ta haya contesta”, Lider di PPA, Otmar Oduber a señala.

Diasabra por bay controla salud na Centro di Bario Playa Pabao



ORANJESTAD (AAN): Diasabra, 15 di maart, habitantenan di Playa Pabao y di Aruba en general por controla nan salud na e Centro.

DIARIO a compronde cu e control ta cuminsa mainta 8’or y lo termina merdia pa 12’or. Bo salud lo wordo controla door di Fundacion C.V.A. cu e aña aki ta celebra nan 20 aniversario.

Nan lo haci control di sucu, colesterol, peso y BMI, presion di sanger, presion di wowo y di dentadura. Pa haci e control, lo no cobra. Ademas no lubida cu un controle ta dunabo un signal si bo manera di biba ta bon of mester ahuste. Pues nos ta topa diasabra na Centro di Bario Playa Pabao. Stimula un miembro di famia, bisiña of amigo pa bin hasi e test.

**YOUR
SAFETY IS
OUR CONCERN...**

Office: 582-3026

Address: Wayaca Fall 199, Unit # 8

Email: stuartsecurity@hotmail.com

... FOR ALL YOUR SECURITY ISSUES

www.stuartsecurity.com



**STUART SECURITY
SERVICE**





ANUNCIO

En conexion cu Dia di Himno y Bandera, SETAR ta informa cu tur su oficinanan y teleshopnan lo ta cera:

- **Dialuna 17 di maart 2025**
- **Diamars 18 di maart 2025**

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of WhatsApp na 597-9999.



Durante conferencia CSW69 na Nacionnan Uni, Prome Minister a participa na e evento “Legally Bold: Rewriting Laws to End Violence Against Women”



ORANJESTAD (AAN): Na Nacionnan Uni durante e conferencia di ‘Commission on the Status of Women’, Prome Minister Evelyn Wever-Croes hunto cu Minister Plenipotenciario di Sint Maarten, Gracita Arrindell a participa na e evento “Legally Bold: Rewriting Laws to End Violence Against Women” organisa pa Czech Republic.

A trata di un evento unda a adresa temanan huridico pa cu abuso contra hende muhe. E topico cu Prome Minister di Aruba a trece dilanti ta trata di “hate speech” y “cyber crime” contra hende muher, algo cu ta pasa hopi na Aruba.

Prome Minister durante su discurso a expresa cu como e prome Prome Minister femenino di Aruba e ta sumamente orguyoso di ta na

un evento asina importante cu ta trata violencia contra hende muhe. Akinan e mandatario a splica di e pasonan cu Aruba a tuma riba e tema aki cu leynan pa protege hende muhe y mucha muhe y cu ta sigura husticia pa e victima.

El a splica di e Ley di Violencia Domestico, cu ta duna un marco legal cla pa trata abuso domestico, ofreciendo proteccion, y sigurando un recurso legal rapido pa e victimanan. Otro logro grandi di pais Aruba cu e mandatario a elabora riba dje ta e lansamento di e National Gender Policy, cu ta trata areanan critico manera violencia basa riba genero, empoderamento economico y proteccion social.

Prome Minister a sigui bisa cu apesar di e logronan grandi di Aru-



Caribbean Mercantile Bank N.V. a member of the Maduro & Curriel's Group of banks, is taking applications for the position of:

Executive Office Manager

The **Executive Office Manager** plays a vital role in supporting our executive team and ensuring the efficient operation of the executive office. As the primary point of contact for all executive matters, this position serves as a key liaison between senior management and external stakeholders, including customers, regulators, partners, and industry associations.

This role provides high-level administrative and operational support, managing correspondence, coordinating meetings, and overseeing office procedures. Responsibilities include serving as secretary to various boards and associations, preparing reports, conducting research, maintaining databases, and handling confidential communications. The Executive Office Manager also addresses escalated customer concerns, manages office inventory, and ensures compliance with record-keeping policies.

Beyond daily operations, this position supports executive projects, tracks deliverables, manages budgets, and contributes to the development and implementation of office strategies. Additional responsibilities include scheduling, coordinating travel, organizing events, and ensuring smooth internal and external communication.

Professional requirements:

- Bachelor's degree in Administration / Management
- Business correspondence courses
- Experience in an executive assistant, office management or similar administrative role preferred.

Candidate Profile:

- **Exceptional communication skills:** Fluent in English, Dutch, Spanish, and Papiamentu, with strong written and verbal communication skills. Proven experience in managing board meetings, taking minutes, and preparing comprehensive reports (preferred).
- **Strong interpersonal skills:** Proven ability to build and maintain relationships at all organizational levels, fostering collaboration.
- **Advanced PC proficiency:** Expertise in using common software tools such as Microsoft Word, Outlook, Excel, and PowerPoint to efficiently communicate and access information within the bank.
- **Organizational and time management abilities:** Skilled in planning, organizing, and coordinating tasks with exceptional attention to detail. Adept at prioritizing and managing a diverse and demanding workload while maintaining flexibility to adapt to shifting priorities. Strong ability to meet deadlines and ensure timely delivery of key responsibilities in a dynamic environment.
- **Customer service excellence:** Demonstrates strong judgment, decision-making, and problem-solving skills in managing executive office operations. Effectively addresses concerns, prioritizes tasks, and ensures timely resolutions to support senior management and organizational goals.

Caribbean Mercantile Bank N.V. offers a challenging and productive work environment where teamwork and a positive attitude are vital, a workplace with growth possibilities and where dedication is rewarded by an excellent remuneration package.

Interested applicant can submit their cover letter and resume accompanied by any other document that might be deemed important to the attention of the Human Resources Department at: cmbrecruitment@cmbnv.com by March 21, 2025.



ba, e trabou no ta cla. Pa sigui combati violencia di genero, nos mester adapta nos leynan continuamente pa atende cu menasanan nobo, manera cyber-harassment y abuso online. E era digital a introduci formanan nobo di violencia cu ta rekeri solucion legal innovativo y e compromiso di nos ta pa desaroya leynan dirigi especificamente riba

esaki. Pero ta importante pa fomenta un cultura di prevencion. Mester inverti den campaña di educacion y conscientizacion y pa esaki e colaboracion cu organisacionnan civil, empresanan y partnernan internacional ta esencial.

Na cierre di su discurso Prome Minister a expresa:

“Mi ta hasi un yamada na tur nacion pa uni cu nos. Ban traha hunto pa cambia y mehora leynan cu ta protege hende muhe, pone e agresornan responsabel, y crea un mundo unda tur hende muhe por biba liber di violencia. Hunto nos por construi un futuro unda no ta tolera violencia di genero y unda husticia y igualdad ta prevalece”.

Fiscal a adverti cu lo cuminsa caso contra Besaril pa e paga bek 197 mil Florin

Cuater testigo lo worde interoga den caso penal contra Besaril y Ling pa malversacion di placanan di Arubahuis

ORANJESTAD (AAN): Diaranson mainta den sala di Corte di Husticia di Aruba, a cuminsa cu e caso penal cu Ministerio Publico a cuminsa contra G. Besaril di 51 aña y G. Ling di 62 aña. Besaril tabata e Minister Plenipotenciario di Aruba na Hulanda, mientras Ling tabata e director di Arubahuis.

Diaranson no tabatin tratamiento sino un “regie zitting”, esta cu Hues ta wak si abogadonan lo tin deseo di mas investigacion promer cu tratamento di e caso. Ta asina cu Hues ya a fiha cu dianan 16, 20 y 23 di Mei 2025, pa tratamento di e caso penal. Besaril a worde representa pa Abogado mr. Canwood mientras cu Ling a worde representa pa Abogado mr. Illes.

Acusacionnan: E acusacionnan cu Fiscal a presenta den Corte contra Besaril y



Ling ta:

(*) Entre 16 April 2018 te 15 Maart 2022 na Aruba y Hulanda como Ministro Plenipotenciario, y director di Arubahuis, intencional a malversa mas di 14 Mil Florin di pago di recibo di Setar.

(*) Entre 20 November 2017 te 15 Maart 2022 na Aruba y Hulanda, intencional a malversa mas di 50 Mil Florin pa paga huur di cas.

(*) Entre November 2017 te 30 Juni 2022 na Aruba y Hulanda, intencional a malversa mas cu 20 mil Florin pa paga servicio cu tabatin.

(*) Entre 16 December 2020 te 3 di Februari 2021 na Aruba y Hulanda, intencional a malversa casi 4 mil Florin pa paga ticket y otro gastonan.

(*) Entre 20 November 2017 te 30 di Juni 2022 na Aruba y Hulanda intencional, a malversa 25 mil Florin pa paga restaurantnan, horeca, gas stations.

(*) A abusa di nan funcion pa paga gastonan priva.

Demanda pa paga bek:

Fiscal, despues di a lesa e acusacionnan, a bisa Hues cu lo bay cuminsa un otro caso penal caminda lo demanda pa Besaril paga bek na Aruba, mas cu 197 mil Florin.

Regie zitting: Hues a bisa cu tabatin corespondencia entre e abogadonan y Fiscal. Ta asina cu na Hues Comisario a rechaza peticion di abogado mr. Canwood pa scucha testimonian. Hues a bisa cu awor lo bay mira kico tur e peticionnan ta y despues lo dicidi.

Abogado a pidi pa scucha testimonian: mr. Canwood a haci peticion pa investigacionnan cu e kier. E abogado a muestra cu tin acusacionnan cu ta inhusto basa riba raportnan di CAD. Na opinion di mr. Canwood, CAD ta colga Besaril pa cosnan cu no ta toca Besaril. E abogado ta haya cu mester scucha testimonian pa haya sa kico tabata e maneho di placa tempo di Besaril y kico ta e cambianan.

E abogado a remarca cu ta parce cu ta solamente Besaril mester worde colga y otronan no. E ta haya cu tin un tinte politico fuerte den e caso aki. mr. Canwood a menciona nomber di Paris cu tambe tabata haci cosnan cu tabata worde aproba pa Parlamento. Pero pa Besaril si no ta asina. Ta acusa Besaril di no a sigui proceduranan siendo cu Besaril tabata worde guia pa e personal na Arubahuis.

E abogado a bisa Hues cu pesey e kier interoga e homber y e dama Giel, kendenan tabata encarga den varios di e acusacionnan. Tambe e abogado a pidi pa interoga e Minister Plenipo-



tenciario actual mr. Ady Thijsen. E abogado a muestra cu mr. Thijsen tambe ta usando un propio cas di huur y no e cas cu Gobierno tin disponibel p'e. Segun abogado, mr. Thijsen a laga pone cosnan den cas. Eseyan ta mescos cu Besaril. Abogado a muestra cu semper e tabata asina y e personal a bisa Besaril cu e por haci asina, pero awor ta worde persigui Besaril pa malversacion.

Hues a puntra pakico kier scucha señora Oduber (coordinador di presupuesto di Gobierno). Hues ta haya cu Oduber a duna declaracion amplio. mr. Canwood ta haya cu tin mas preguntanan cu e kier haci. El a bisa cu tabatin tardanza riba preguntanan cu Besaril a haci y na opinion di mr. Canwood, señora Oduber lo por duna splicacion.

E abogado tambe a pidi pa scucha entre otro e chauffeur di Besaril y señora Larez. Tambe el a pidi pa scucha Derrick Werleman, e presidente di Algemene Reken Kamer, Frederick Nuboe, Anthony Giel, Shila Giel, secretario di Consejo di Ministronan, señora Hoeverts y señora Koolman tambe. E abogado ta haya cu e testimonian lo por duna claridad den maneho y cu Besaril no a haci cosnan manera e ta worde acusa di dje.

Fiscal ta reacciona: Fiscal a bisa cu loke ta haci fastioso di e peticionnan, ta kico ta worde nenga. Na opinion di Fiscal, Besaril a haci uso di su derecho di silencio y no tabata duna contestanan. Fiscal a puntra si Besaril ta desmenti di a malversa door cu no tabatin maneho. Tambe Fiscal kier sa si Bersaril ta bisa cu el a sigui e maneho cu otronan tabata haci.

Na opinion di Fiscal, Oduber a bisa cu Besaril no mester a usa credit card di Arubahuis ora e ta viaha den exterior.

Fiscal a bisa cu no ta acusa Besaril di a bay huur un cas sino cu a haci gastonan na e cas sin cu a pidi aprobacion pa esaki. Fiscal ta haya cu ta fastioso pa haci preguntanan riba maneho na e testimonian pasobra riba cual maneho lo bay puntra.

Fiscal a bisa cu e ta haya cu Giel, señora Oduber, secretario di Consejo di Ministronan, a duna suficiente declaracion y no ta necesario pa mas investigacion.

Hues a aproba 4 testigo:

Hues a pospone e caso pa pensa un rato pa asina tuma un decision. Despues di un rato a sigui caminda Hues a bisa cu mester tin un proceso husto di investigacion den un caso penal, caminda acusadonan tin derecho di scucha testimonian.

Hues a bisa cu e ta aproba pa scucha señora Oduber, señor Giel, señora Giel, secretario di Consejo Minister señora Koolman. Hues a bisa cu den e interrogacionnan, no por puntra riba presupuesto pero si riba e asunto di credit card. Koolman lo por worde interoga riba viahenan di trabao di Besaril. No por bay haci preguntanan riba presupuesto. Hues ta haya cu esey no ta relevante. Hues a sigui bisa cu tampoco por haci pregunta riba e asunto di cas compara cu antes y awor. Pesey lo no bay scucha e otro testimonian.

Abogado mr. Illes a bisa cu e ta uni na peticion di mr. Canwood pa scucha e testimonian. Tambe el a bisa cu e no por 16 Mei 2025 pasobra e ta den exterior y e dia ey e ta yega. Hues a bisa cu lo mantene e otro dianan. Hues a bisa cu e lo instrui Hues Comisario, pa interrogacion. Hues a bisa cu no por fiha dia exacto pa tratamento pero ta mantene dianan 20 y 23 Mei 2025 y segun tratamiento, lo mira cual ta e otro dia cu mester bin acerca.

Job Opportunity



Housekeeping Floor Supervisor

Education:

- Must have minimum a MAVO Diploma or equivalent

Qualifications:

- Must have at least three (3) years' experience as a Room Attendant.
- Possess Leadership Skills
- Multilingual (English, Spanish).
- Service minded
- Friendly personality

Front Office Agent

Education:

- Must have minimum a MAVO Diploma or equivalent

Qualifications:

- Strong interpersonal and communication skills
- Able to work effectively in a loud environment with multiple activities occurring simultaneously
- Able to work from a standing position
- Computer Literate
- Multilingual (English, Spanish and Dutch)
- Friendly personality
- Work shifts

Activities Attendant

Education:

- Must have minimum a MAVO Diploma or equivalent

Qualifications:

- Creative ability
- Ability to work with Kids and Teens
- Multilingual (English, Spanish).
- Must enjoy working outdoors
- Service Minded
- Friendly personality

We offer Competitive Wages, Savings, Dental & Vision Plan and a Stable Work Environment

If you are interested, please send your application along with your résumé and a valid picture ID at mmaduro@costalinda-aruba.com or pick up an application at Costa Linda Security booth at the employee entrance. No later than March 26, 2025.

Como un di e reunionnan mas importante di CSW Conference;

Prome Minister a atende ministerial round table na Nacionnan Uni

• *“Te riba e ultimo dia, mi lo ta trahando representando orguyosamente cada ciudadano di Aruba”*

ORANJESTAD (AAN): Despues cu Aruba a celebra Dia Internacional di Hende Muhe den gran forma, Prome Minister Evelyn Wever-Croes a biaha pa Nacionnan Uni pa atende e “69th Commission on the Status of Women (CSW69)”. CSW conference cu ta tuma luga anualmente unda paisnan ta manda nan lidernan, specialmente lidernan femenino, pa duna cuenta riba e trabaonan cu nan ta haciendo riba derechonan di hende muhe y mucha muhe.

Durante e Ministerial Round Table, cu ta un di e reunionnan mas importante di e conferencia, ministernan di cada pais ta hiba palabra y ta duna un update di kico nan

ta haciendo en cuanto e tema di derechonan di hende muhe y mucha muhe. Prome Minister di Aruba, na su turno a splica cu Aruba ta pone hopi atencion y enfoca riba e posicion di hende muhe y mucha muhe. Durante su gobierno a traha un Gender Policy unda ta indica riba e posicion di hende muhe y mucha muhe y kico mester haci pa fortifica nan posicion y duna nan mas oportunidad. Pa su persona, como un Prome Minister femenino esaki ta algo di gran importancia y por mira resultadonan positivo ya cu Aruba a avansa hopi pero ainda tin hopi reto. Tambe durante e reunion a papia riba ‘gender-based violence’ cu ta violencia



contra hende muhe simplemente pasobra e ta di e sexo femenino. Aki Prome Minister a duna un splicacion di tur loke Aruba ta haciendo pa esey y cu ainda tin algun ley cu mester atende cu nan, pero eyan Gobierno hunto cu stakeholders y NGOs ta trahando duro pa por finalisa.

E ‘Commission on the Status of Women’ ta e principal organo inter-

gubernamental mundial dedica exclusivamente na promove igualdad di genero, derechonan y empoderamento di hende muhe, documentando e realidad di nan bida rond mundo y forma standardnan global riba esaki.

Prome Minister aki a declara: “Pero ora bo papia di hende muhe, bo no ta papia solamente di violencia y obstaculonan. Ami ta enfoca tambe

riba oportunidadnan cu nos por crea pa e hende muhe principalmente den e area di tecnologia. Esaki ta bin cu su reto- y riesgonan pero tin hopi oportunidad den e area ey pa nos hende muhenan y mucha muhenan, y nos ta bin ta haciendo esaki pa varios aña caba a travez di Futura.

Cu hopi orguyo mi a comparti tur e storianan di exito di Aruba durante mi discursonan. Ainda tin mas reunion- y eventonan pa atende unda mi lo sigui trece padilanti e storianan di exito y e vision- y logronan di Aruba. Te riba e ultimo dia, mi lo ta trahando representando orguyosamente, cada ciudadano di nos dushi isla Aruba”.

Accident entre V-auto y un Box Truck na rotonde di Palm Beach



ORANJESTAD (AAN): Tabata Diaranson banda di 12’or di merdia, cu un boksmento a keda registra entre un auto sedan color blanco, y un box truck grandi net na e rotonde na Palm Beach.

Na final di e accident aki, e auto sedan cu ta un Kia Rio color blanco cu number V-5945 a bay para riba rotonde. E box truck grandi a djis para riba e caminda di rotonde.

Como cu no tin herido, aki mester a busca Road Service pa asina atende cu e documentonan pa Aseguro. Trafico a pega un tiki debi na e box truck riba caminda.



Frans Ponson, presidente di CUA:

Hopi comerciante riba Social Media ya ta pidi pueblo bin cu cash sino nan lo subi prijs

• *Comerciantenan mester haya vrijstelling di BBO riba transaccion, mescos cu banconan*



ORANJESTAD (AAN): Frans Ponson, presidente di Comerciantenan Uni Aruba (CUA), a sigui declara den conferencia di prensa, cu nan a bin haya un ley cu a hala nan atencion, y nan kier a trece na atencion di Gobierno.

“Tin un ley cu gobierno a pasa cu ta duna tur banco ‘vrijstelling’ di paga BBO riba transaccion. Tur banco! Y nos tin e den nos man aki. Fine! Pasobra nos ta compronde cu riba cash bo no ta paga BBO, no tin ‘transaction fee’ riba dje, pero door cu banco ta bay cobra nos e 4%, 3%, 2% of 1% aworaki, ora mi paga DIMP, no ami so pero tur e comerciantenan chikito aki, nan tin cu paga BBO riba e ‘transaction fee’ aki, tambe.

“Esey kiermen cu banco no tin cu pag’e, pero e comerciante si tin cu paga DIMP. Kiermen, nos ta haya cu si banco no tin cu paga BBO riba un ‘transaction fee’, nan ta full exento, nos tin cu exonera e comerciante tambe di e BBO riba e transaction fee. Banco ta cobra nos esaki y nos

mester cobra pueblo BBO riba dje y duna belasting”, Frans Ponson a vocifera.

El a agrega cu CUA a tuma nota di un video cu e minister di Economia actual, a sali bisa cu nan tin un ley cla, pa bay proteha e consumidor. “Nos ta contento di tende esaki. Nos ta wardando wak ken ta bira Minister di Finanzas pa nos sinta cu ne di biaha, y nos ta contento di a tuma nota di esaki, pero nos kier bisa gobierno tambe di biaha, tuma nota cu banco no ta pagando BBO riba e transaction fee, pero comerciante si mester cobra pueblo esaki; kiermen, nos a keda mesun leu, pueblo ta paga p’e toch!”, Ponson a remarca.

Pues, e ora ey e comerciante tambe mester haya e beneficio di hala atras esaki fin di luna, tur e BBO nan di transaction fee pa kit’e bek. Pasobra e cos aki, si nos no pasa e ley lihe, y e cartanan ta bisa cu 1 di April e cos aki ta cumenza, ya riba Social media ta mira hopi negoshi ta bisa e consumidor bin cu cash,

pasobra si no, nan tin cu subi prijsnan.

“Mi no ta kere cu tin comerciante kier subi prijs, nos ta hasta pensa cu nos tin cu nos por lague pafo di e prijs mescos cu nos a papia antes di BBO y

si bo bin cu carchi nos ta cobra bo apart, pero banconan no kier esey, banconan kier pa nos scond’e den prijs mescos cu gobierno. Mi ta kere, gobierno mester atende cu e asunto aki, pasobra

1 di April ta hopi cerca, hopi prijs lo bay subi, mirando e charges aki di cada banco, y nan por cobra loke nan kier, pasobra nan tambe ta comerciante”, Frans Ponton a enfatiza.

Casonan Penal pa wordo trata den Corte di Husticia na Aruba

Casonan di Diahuebs 13 Maart 2025



Horario	Sospechoso	Acto Castigable
8:30 am	S.F.H.	Sospechoso H. ta wordo acusa di menaza y posesion di arma di candela riba prome di September 2023.
10:00 am	S.R.	Sospechoso R. ta wordo acusa di ladroncia den un truck di un suma di placa y un tas riba 19 di October 2023.
10:25 am	J.J.B.	Sospechoso B. ta wordo acusa di a intencionalmente maltrata su mes pareha riba 22 di Juni 2024, door di pone un faha na su garganta y hork’e, y chok’e cu man y dal’e golpi na su cabez y curpa.
11:00 am	S.A.R.H.	Sospechoso H. ta wordo acusa di kiebri y ladroncia den un cas na Bernhardstraat riba 9 di December 2024.
11:30 am	P.C.R.C.	Sospechoso R.C. ta wordo acusa di exportacion di cocaina riba prome di Januari 2025.
11:40 am	D.J.B.C.	Sospechoso C. ta wordo acusa di importacion di cocaina riba 18 di December 2024.
11:50 am	L.A.B.	Sospechoso B. ta wordo acusa di importacion di cocaina riba 12 di Januari 2025.
1:30 pm	S.T.F.	Sospechoso F. ta wordo acusa di maltrato y destruccion riba prome di April 2024.
1:55 pm	J.G.J.R.	Sospechoso R. ta wordo acusa di kiebri y ladroncia, menaza y maltrato riba 12 di Juli 2022. E ta wordo acusa di intento di homicidio y maltrato cu un arma riba 31 di Augustus 2022.
2:00 pm	M.A.d.M.	Pro Forma: Sospechoso D.M. ta wordo acusa di abuso sexual di un mucha bao 12 aña for di September 2019 te October 2022.
2:00 pm	S.O.H.	Pro Forma: Sospechoso H. ta wordo acusa di violacion di un hoben bao 16 aña na aña 2023.
2:00 pm	A.J.Z.C.R. J.C.A.S.	Pro Forma: Sospechosonan C.R. y A.S. ta wordo acusa di intento di asesinato y posesion di arma di candela riba 8 di September 2024.
2:20 pm	J.J.A.S.	Sospechoso A.S. ta wordo acusa di abuso sexual y maltrato riba 7 di December 2023.
2:45 pm	G.E.A.K.	Sospechoso K. ta wordo acusa di destruccion di dos auto riba 5 di April 2024.
3:15 pm	E.H.T.	Sospechoso T. ta wordo acusa di a maltrata un persona riba fecha 8 di Februari 2024, door di dal’e varios biaha cu un tubo di metal.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Diahuebs 13 Maart 2025

den Sala di Corte di Husticia na Aruba. E informacion aki a wordo suministra door di Ministerio Publico.

Parlamentario Shailiny Tromp-Lee (MEP) na Gerlien Croes (Futuro):

Stop di hunga ciego-mudo y cuminsa demostra transparencia y responsabilidad

Carta a keda entrega na Gobernador dia 7 di maart y no dia 10 mane kier insinua

ORANJESTAD (AAN): Diabierna 7 di maart 2025 Fraccion di MEP a entrega un carta oficial na Gobernador di Aruba pa trata nos preocupacion encuan to e manera con Presidente di Parlamento sra. Gerlien Croes a bin ta dirigi reunionnan den sala di Parlamento. Esaki despues cu el a schors e reunion di tratamiento di presupuesto di pais Aruba dictatorialmente despues cu porfin esaki a keda yama.

Despues di a tuma nota di reaccion di sra. Croes ayera, 10 di maart 2025, den prensa encuan to nos carta y scuch'e papia encuan to e reunion di dia 7 di maart 2025, ta imposibel pa keda sin reaccion.

Segun Gerlien Croes nos reaccion a bin cu vertraging y cu el a haya esaki hopi laat. Segun su persona nos a haci recapacitacion politico durante weekend y a entrega e carta ayera dialuna 10 di maart 2025. Lo ta bon pa e tuma nota di e stempel riba e carta cu nos a manda y cu a keda ricibi pa Gobernador. E stempel riba e copia cu nos a entrega na Gobernador ta bisa duidelijk in ontvangst genomen 7 mar 2025 Kabinet van de Gouverneur van Aruba. Mesun dia cu e reunion publico a tuma lugar y no dia 10 di maart 2025 manera sra. Croes ta insinua.

Lo ta bon pa nos informa pueblo cu enberdad sra. Gerlien Croes durante e reunion di dia 7 di maart no sa nada di loke MEP a haci y bisa pasobra el a hunga ciego y sordo pa loke ta trata nos Fraccion. Cumpliando cu su plan cu AVP, despues cu Mike Eman a lesa e fa-

moso amienda, el a dicidi di schors reunion mirando cu e amienda ta cambia e esencia di e presupuesto presenta pa Gabinete Wever-Croes y cu e ta bay manda esaki pa haya conseho di CAFT y Raad van Advies. Mirando cu e tabata "sordo y ciego" pa Fraccion di MEP, e no a scucha e grito di nos Lider di Fraccion pa un punto di ordo prome cu el a anuncia cu e ta bay schors e reunion y tam poco a mira e mannan pidiendo atencion. El a anuncia schorsing y haci manera nada un pasa. Contento sigur nos Fraccion no tabata ta y nos a bis'e algun frase duidelijk al respecto pero awor e kier haci manera e no a scuchanan.

Sigur e 12 parlamentarionan cu a firma e amienda no tin nada



en contra pa bisa, pero lastimamente usando dictadura y haciendo mal uso di su poder sra. Gerlien Croes a schors e reunion sin tabatin e decencia di puntra e demas 9 miembro nan di Parlamento pa nan opinion y a kita nan oportu-

nidad pa papia (presenta mocion of amienda). Achteraf e kier chercha y bisa hasta cu e ta sorpresa cu ningun otro amienda a keda entrega e mainta aki. Ta con hipocrita bo por ta? Ningun hende mas cu excepcion di Mike Eman a keda duna e oportunidad pa papia y bo a schors e reunion sin tene cuenta cu sprekerslijst, peticion pa punto di ordo y opinion di fraccion-

nan den oposicion.

Tanto sra. Croes tabata canta y toca bunita durante 3 aña encuan to democracia, transparencia y dictadura, awe nos ta wak cu e ta kibrando tur nota y instrument. Esaki sigur no na bienestar general.

Necesidad di trata y aproba presupuesto di pais Aruba ta uno serio. Ta importante y urgente pa duna presupuesto 2025 nos aprobacion pa asina empodera gobierno pa por cumpli cu e.o., nos obligacionnan financiero, sigui haci inversionnan necesario y sigui brinda pueblo e serviccionan necesario. Innecesariamente ta sigui (!) tranca e proceso pasobra realidad ta cu nos por a trata e presupuesto y aproba esaki y asina nan ta den gobierno, na un manera responsabel, ta presenta e voorjaarsnota acompaña pa e cambionan necesario den presupuesto.

Lider di PPA, Otmar Oduber:

Promedio di 40 pa 65% di menos personal den KPA, pero 12 miyon Florin ta bay den pago di overtime

• Cu 12 miyon florin por paga 240 agente policial pa subi caya

ORANJESTAD (AAN) Parlamentario Otmar Oduber, Lider di PPA, a remarca den conferencia di prensa, cu tin un diferencia entre loke Cuerpo Policial, y Alto Mando di Polis ta bisa, den sentido cu tin un 65% di "onderbezetting" den e aparato di polis, y e Minister cu ta bisa cu ta rond di 40%, cu, toch, ta hopi halto.

"Bo por ta 3% of 5% di falta di personal, pero ora bo ta 40% of 65% abao den e cantidad di personal cu bo mester pa cuida bo pueblo, bo por imagina kico esaki ta haci den KPA? Riba esnan cu tin cu traha overtime.

Segun Oduber, ta papian do di 12 pa 13 miyon Florin pa aña na overtime. Cu 12 miyon Florin na overtime, nos por pone 240 agente



policial mes, pa aña, riba caya; salario di 240 agente policial. Anto nan tin un tekort na e momentonan aki di mas of menos 300 pa 340 personal riba caya, pa no papia di casi 60% di personal den oficina cu ta necesario den nos Cuerpo Policial, na e momentonan aki", Oduber a señala.

El a agrega cu p'esey e ta bisa cu nan kier mira un Parlamento diferente. "Bo ta bay haya den fraccion di PPA un parlamentario cu tey djis pa stempel, cu si gobierno tey e tey p'apoya y defende tur loke ta sosode den gobierno, y si bo ta den oposicion, pesey e ta bay critica gobierno. Nos

ta contento cu nos accionnan. For di cuminzamento caba nos a musta, atravez di e mocion cu a wordo tuma unanimamente, cu nos ta bay atende cu ne", Otmar Oduber a expresa.

Oduber a sigui bisa cu awo pueblo tin cu bay wak den e tratamiento di presupuesto, e sinceridad cu tin den su politiconan y Parlamento tambe, pa coregi e problemanan serio cu nos tin, entre otro, den Cuerpo Policial. "Pasobra, lamentablemente, nos a mira un amienda, a sabienda cu e fraccionnan di AVP y FUTURO a bay di acuerdo unanimamente cu e problemanan serio cu tin den nos Cuerpo Policial, nos no ta mira cu nada a bin dilanti di e mocion aki, cu nan mes a firma", e Lider di PPA a señala.

Durante evento "Women and Technology: Inspiring Stories in the GCC countries"

Prome Minister a comparti Aruba su vision y plannan di e-Government



ORANJESTAD (AAN): Prome Minister Evelyn Wever-Croes actualmente ta na Nacionnan Uni atendiendo e conferencia "Commission on the Status of Women" (CSW69). Prome Minister ta representando

Aruba y ta lidera e delegacion di Reino, consistiendo di Embahadora Lise Gregoire, Secretario di Estado OCW di Hulanda, Mariëlle Paul y Minister Plenipotenciario di St. Maarten, Gracita Arrindell.

Den Boliviastraat a laga auto mey-mey di caminda y cu droga aden

ORANJESTAD (AAN): Tabata Dialuna marduga banda di 1:45 am, cu Central di Polis a dirigi patruya di Playa rumbo pa Boliviastraat na altura di Fruteria Virgilio pa un situacion sospechoso.

E informe ta indica cu un grupo di hende lo ta maltratando un persona. Pero ora cu Polis a yega, a bin topa cu nada particular. Polis a core riba Boliviastraat pa mas control. Yegando banda di un cas, nan a bin topa un auto para mey-mey di caminda sin ningun hende paden ni pafo. Ta trata di un auto sedan Kia Rio cu tey ainda cu su luznan grandi cendi. Pero yabi no ta den igni-

tion, pero poni riba asiento di pasahero.

Tambe a mira cu parti paden di e auto ta parce di ta reboltea. Na asiento pa tras di e auto a bin haya 2 sakito transparente di plastico conteniendo cocaina. Mesora a notifica Central di Polis di esaki.

Tanto e auto y tambe e dos sakitonan di plastico a wordo confisca pa mas investigacion. Tabatin un testigo cu a duna Polis algun informacion eynan.

Na final e auto a wordo hiba pa Warda di Polis Santa Cruz pa investigacion. E dos sakitonan di plastico cu droga a wordo entrega na Team Narcotica di Cuerpo Policial.



Durante e conferencia di CSW69, Prome Minister di Aruba a hiba palabra na varios evento. Uno hopi interesante tabata "Women and Technology: Inspiring Stories in the GCC Countries", organiza pa paisnan Arabe. Aki e mandatario a comparti Aruba su vision y plannan ambicioso di digitalisacion y e rol di e hende muhe den esaki.

Den su discurso, Prome Minister e elabora riba e impacto di hende muhe den tecnologia y innovacion y el a comparti Aruba su biahe den transformacion digital, un biahe guia pa e compromiso pa inclusion, innovacion y progreso. El a señala riba e introduccion di e-Government, cu ta un vision pa digitalisa servicionan publico y modernisa gobernacion.

Ademas Prome Minister a enfatisa riba e financiamiento di Union Europeo di 14 miyon euro cual no solamente lo fortalece e infraestructura tecnologico, pero tambe lo mehora inclusion digital y siguridad cibernetico pa nos pais.

Prome Minister a agrega cu den e proximo simannan, lo publica e Change Management Plan, cu a worde desaroya den colaboracion cu Estonia e-Governance Academy. Esaki lo habri caminda pa implementacion di un plataforma cu lo integra e sistemanan di Departamento di Registro Civil, Departamento di Integracion y Departamento di Impuesto. E meta ta pa tin mas di 30% di e servicionan gubernamental inter-operabel pa aña 2026, sigurando un prestacion di

servicio mas lihe, mas eficiente y centra riba e ciudadanonan.

"Mientras tecnologia ta impulsa transformacion, liderazgo ta impulsa cambio. Aruba ta keda firme den su compromiso cu e liderazgo di hende muhe den STEM (Science, Technology, Engineering and Mathematics), gobernacion digital y innovacion. Mientras cu nos ta traha pa un futuro digitalmente mas inclusivo, nos mester sigura cu tecnologia ta empodera, conecta y eleva cada miembro di sociedad. Hunto laga nos forma un futuro caminda transformacion digital no ta djis un plan, sino un promesa di progreso pa tur hende muhe y henter mundo", Prome Minister a expresa.

Comision Celebracion Dianan Nacional

Preparando varios actividad nacional den cuadro di celebracion di e 49 aniversario di Himno y Bandera

ORANJESTAD (AAN): Durante un conferencia di prensa, Junior Arends di Comision Celebracion Dianan Nacional (CCDN) relaciona cu celebracion di Dia di Himno y Bandera. Dia 18 di maart proximo, Pueblo ta celebra nos dia nacional, Dia di Himno y Bandera, cu e aña aki lo cumpli su di 49 edicion. Un ocasion di union nacional, cu ta fortalece nos identidad, nos herencia cultural y patriotismo.

E aña aki, un biaha mas Ministerio di Cultura hunto cu Comision Celebracion Dianan Nacional ta encarga cu eventonan oficial di Gobierno di Aruba. E tema di e aña aki ta 'Ban celebra ken nos ta, nos identidad'.

Arends a splica cu e calendario di eventonan

a cuminsa diaranson awo cu competencia di Poeta di Patria, e conocido competencia di poesia cu ta honra nos identidad cultural, cu a tuma lugar den Fort Zoutman, organisa pa Comision Celebracion Dianan Nacional hunto cu Departamento di Cultura y Fundacion Corector di Papiamento.

Diabierna dia 14 di maart y diadomingo 16 di maart lo tuma lugar e festival 'Un canto na nos Himno y Bandera', cu ta encera un concurso di composicionnan dedica na nos pais. E ta conta cu participacion di categoria infantil y hubenil riba diabierna. Adultonan lo competi riba diadomingo. E evento lo tuma lugar riba Plaza Libertador Betico Croes.

Durante celebracionnan di Himno y Ban-

dera, Comision Celebracion Dianan Nacional ta brinda e oportunidad pa nos talentonan local, expresa nan emocionnan y creatividad na Pueblo di Aruba. Y asina aki tambe duna un reconocimiento y trece nos artista y baluartenan mas cerca di Pueblo, y asina hunto siña aprecia y honra nos cultura.

Diasabra 15 di maart lo tuma lugar un anochi cultural combina cu un feria culinario, cu lo conta cu presentacionnan di tipiconan, cah'i orgel, musica, baile, kiermen un show cultural pa celebra henter e weekend nos dia nacional.

Dialuna nan lo presenta e manifestacion cultural dedica na nos Himno y Bandera, pa 8'or di anochi lo inicia cu un show



cultural, cu tambe lo inclui discurso di Minister di Cultura, Xiomara Maduro, presentacion di talentonan local y tambe lo tin un feria culinario cu mas di 40 tent. Esaki lo tuma lugar riba Plaza Betico Croes. Desde 6'or caba e tentnan lo ta habri.

Riba dia 18 mes, lo tuma lugar e actonan protocolar y desfile, cu lo conta cu presencia di mandatarionan y invitadonan di exterior.

Un invitacion ta pa henter comunidad bini hunto y celebra nos dia nacional cu hopi orguyo.

Dia 18 di Maart venidero

Union cultural riba Dia di Himno y Bandera na Museo MANA



ORANJESTAD (AAN): Durante un conferencia di prensa convoca door di Museo Arqueologico Nacional Aruba (MANA), nan a splica di lo bay ofrece otro celebracion varia y atractivo pa grandi y chikito 18 di maart awor. Den colaboracion cu Club Kibra-

hacha, "Santa Rosa", Muchila Creativo y artistanan local ta ofrece un programa interesante entre 10'or di mainta pa 3'or di atardi.

Club Kibrahacha un biaha mas ta treciendo alegria cu nan cuarta y canto, presentacion di baile y mas na MANA riba

e dia aki. Departamento di Agricultura y Pesca, "Santa Rosa" lo tene un 'mini marshe' den "Hardin di mi Wela". Lo tin entre otro berdura, carni fresco, 'microgreens', 'mushroom', Kombucha, licor y juice di fruta, sauce di ingredientenan local y honing.



Muchilla Creativo lo agrega sabor na e dia cu un Festival di Sopi pa recauda fondo den "Hadrey di MANA". Lo malcria e bishitantenan cu un kofiemorgen dushi cu chuculati pinda, bolo y snacks crioyo.

Artistanan Paola Harper y Sylvia Eizinga lo guia un tayer di pinta y decora un yabero of mini cuadro cu simbolo di Aruba. E tayer ta costa Afl.15,- y ta basa riba 'first come, first serve' entre 10'or di mainta y 3'or di atardi. Artista contemporaneo local Velvet Zoe Ramos lo tene un charla y un presentacion artistico poetico pa 12.30 'or den su Xposicion "Interlasado: Pasado Presente". Sea na ora pa participacion maximo!

Riba e dia nacional aki arke-

ologo Raymundo Dijkhoff lo tene dos presentacion den auditorio di MANA tocante Data y Analisis: Resultado y Interpretacion di Santana St. Cruz 35. E presentacion aki ta e di dos den e ciclo di tres tocante e Santana Sta Cruz 35. E prome presentacion lo ta di 11'or pa 12'or di mainta. E di dos lo ta di 1'or pa 2'or di merdia. E capacidad di auditorio ta maximo 50 persona loke ta nifica cu ora yega maximo no por permiti mas persona drenta.

Scoge pa gosa, baila, y celebra hunto cu famia, amigo y sernan keri di un dushi ambiente na MANA dia 18 di maart awor. Entrada ta gratis. Si ta desea por laga un cariño den cahita di donacion.

Skina Sthanlux

Nos Bandera Nos simbolo di identidad

Skirbi pa: Stanley Dabian



Riba dia 21 di Januari 1976 na unda tramite a ser haci pa organisa un concurso di pinta-mento den pueblo pa un diseño di bandera. Muchanan di scol a pinta esakinan. Un total di 693 diseño a ser ricibi. Nan deseo tabata pa mira un strea di cuater punta esaki pa diferente motibo. Preferencia pa strepi, marca di color horizontal y/of vertical a bin dilanti. Colornan cu mas a resalta ta cora, blauw y geel.



“Flag Research Institute” na Boston, a yuda scoge e diseño. E color di e bandera tabata Larkspur, escogi di e “British Colour Council Dictionary of Colour Standards”, No. 196, conoci como U.N. Blue. E color geel tabata “Bunting Yellow”, No. 113, e color cora tabata “Union Jack Red”, no. 210 y e color blanco tabata “White”, No. 1, tur color saca for di mesun diccionario.

Parlamento di Aruba a aproba e diseño riba 16 di maart 1976 cu a bira e bandera oficial di Aruba. Esaki a keda inaugura riba 18 di maart 1976. Pa prome biaha a hisa e bandera y a toca e cantica “Aruba Dushi Tera” como nos himno nacional di Aruba durante un celebracion grandi den Wilhelmina Stadion, na Dakota. Awe Compleho Deportivo Guillermo Prospero Trinidad.

E color blauw di e bandera ta representa e lama cu ta rondona nos dushi isla. E posicion di e strea riba e bandera ta simbolisa e posicion di Aruba den lama Caribe. E strea color cora cu rand blanco ta representa e pasion intenso di cada ciudadano pa su isla y e sanger cora di e Indjan cu a bringa pa libertad den Rooi Frances. E rand blanco di e strea ta simbolisa e santo blanco di nos beachnan rond di nos isla, e pureza di e curason di e habitantenan, cu ta respeta husticia, orden y libertad.

E strea di cuater punta ta simbolisa tambe e direccionnan di compas, indicando e diferente paisnan di unda hende ta bini Aruba y forma un comunidad cu ta biba den harmonia cu otro formando un union multicultural. Loke ta garantisa libertad maximo.

Geel ta e color di abundancia y e liñanan horizontal ta muestra e solidez di tal abun-

dancia. E color geel ta simbolisa tambe e fuente di ingreso di antaño, manera e industria di oro, guano Y aloë, alabes e ta simbolisa nos flora y fauna manera kibrahacha, brasil, bonchi di strena, curahao, tuturuto y wangolo.

Algun puntanan pa tene cuenta cune ora di trata cu Protocol di nos Bandera:

- E bandera por ser hisa solamente durante salida y bahada di solo.
- Ora ta mantene e bandera hisa parti anochi pa mainta esaki mester ta ilumina tur momento pa medio di iluminacion apropiada.
- E bandera mester ta hisa te na top di e palo di bandera.
- Hisa y bahamento di bandera mester sosode di tal manera cu e no ta toca tera/superficie/obheto di e palo di bandera y ser ricibi cu man y brasanan
- Na momento di luto e bandera ta wordo hisa te na top prome y despues ta baha esaki na mita di e palo di bandera.
- Ora di baha e bandera di luto, mester his’e for di e mita di e palo di bandera y sigui his’e te na top pa despues bah’e bek.
- No ta ser permiti pa decora of agrega nada otro riba of na e bandera of uze como material di propaganda.
- E bandera mester ta di un material duradero pa nos clima.
- Asina cu un bandera fraña of susha mester cambia esaki mesora.
- E mester ta limpi y strika tur ora cu ta necesario.
- E bandera no mester ser uza como parti di un bisti of uniform atletico, cu excepcion di e patch di bandera cu por ser uza riba uniform di personal militar, bombero y polis.
- E lo mester ser destrui ora cu e no ta sirbi mas, door di kima esaki den un manera digno.
- Pa warda e bandera e mester ser dobla bunita y ceremonial.
- Entrante 1 di januari 2015 e colornan di nos bandera a wordo oficialisa pa medio di ley y e cambianan a keda manifesta den Ley articulo 11 di (LB ham). E colornan corecto di e bandera di Aruba ta Geel: PMS 109C; Cora: PMS 032C; Blanco: PMS Blanco absoluto y Blauw: PMS 279C.

Besaril a expresa su mes den Corte
**“Pakico ta persigui mi,
 mientras cu otronan cu a
 haci mesun cos, no a worde
 persigui asina”**



ORANJESTAD (AAN): Diaranson mainta, durante tratamiento di e “regie zitting” den e caso penal contra G. Besaril y G. Ling, na dado momento Besaril a expresa su mes fuerte contra Gobierno.

Pakico ami si y otronan no: Besaril a bisa Hues cu no ta facil di tabata un homber di ley (Polis) pa 20 aña y awor ta sinta den stoel di acusado.

El a bisa cu semper el a para pa ley. El a bisa cu semper el a bisa cu e caso no ta bon.

Besaril a bisa Hues cu con Gobierno ta bira pa fundamentonan importante den nos constitucion.

Rapport di CAD no ta corecto: Besaril a bisa Hues cu el a laga e funcionario di fam Paris haya un oficina den Arubahuis y Paris a bay coba den cosnan cu e no mester. El a bisa cu

e ta haya cu CAD ta haci cosnan cu no ta corecto y ta pesey su abogado kier pa scucha testimonian y pa e berdad sali na cla.

Na opinion di Besaril, e 21 miembronan di Parlamento cu a aproba e presupuesto cu e mester a atene su mes na dje, awor no ta dilanti Hues pero e si. El a muestra cu un hende cu tabata sinta na su man drechi den Arubahuis, e homber W., a haci cosnan malo cu placa y cu e si Gobierno a yega na palabracion di pago y W. lo bolbe haya un posicion halto. El a remarca, pakico e ta worde encarcela den prison siendo cu otronan den mesun funcion si no a worde persigui asina.

Na Mei 2025, tratamiento di e caso penal lo cuminsa y DIARIO lo informa lectionan tur loke a sosode den Corte.

Mashin di corta yerba a wordo horta na Paradera

ORANJESTAD (AAN): Tabata Diadomingo anochi banda di 10:30 pm, cu Central di Polis a manda patrulla di San Nicolas rumbo pa un adres na Paradera pa check un asunto di kiebro. Ora cu Polis a yega, nan a papia cu e ciudadano di inicial V. Aki V. a declara cu e mesun marduga ey banda di 12:40 am, el a laga su Mashin di Corta Yerba, y tambe un Speaker bao di su garage.

Te despues di 10’or di anochi, ora cu el a bay

mara su cabay den stal, el a bin ripara cu e Mashin di Corta Yerba no tey mas. El a sigui controla su garage y a mira cu e speaker tambe a wordo hiba. Despues di esey el a bay check na otro banda di e garage unda su auto, un Honda Odyssey shinishi ta staciona pa controla. El a mira cu su estuche di bril, conteniendo su bril di solo a desaparece tambe. Polis a tuma denuncia di ladronia, y awor tin atencion pa e caso.

RESULTADO DI SORTEONAN PA CORTESIA DI CADENA ALEXANDER

Diaranson 12 maart 2025

DIARIO	KORSOU	SUPER 4	CATACHI	ZODIAC
5154 8388 8923	4586 8965 6147	3759	MERDIA 9088 3733 8882	ANOCHI M 0632 0886 7475
LOTTO "DIA" 02-03-05-17-18		OFF 7041-2159	BIG 4 M	A
			1750	2284
MULTI-X MERDIA X3		MULTI-X MERDIA X2		
CATACHI ANOCHI FP		BIG 4 ANOCHI X2		
LUCKY 3	MERDIA 863	MULTIPLIER X5	ANOCHI 010	MULTIPLIER FP LUCKY 3

LOTTO

E LOTERIA DI ARUBA

RESULTADO DIARANSON 12 MAART 2025

02 **14** **24** **29** **34**

1^{er} Premio: No tin ganador Jackpot

2^{do} Premio: No tin ganador Match 4

3^{er} Premio: Tin 2 ganador Match 4

4^{to} Premio: Tin 91 ganador di Afl. 12,00

Joker

18

Proximo sorteo 14 MRT 2025
Afl. 4.00 pa ticket
AFL 190.000,-

1 Premio: 5 Bon

2 Premio: 4 Bon + Joker Por yama 583-4475 pa haya e resultado.

3 Premio: 4 Bon

4 Premio: 3 Bon

Letter ganador pa ticket gratis: **C**

PRIJS: 2 Florin ehemplar
ABONO: 40 Florin pa luna

EDITOR
Agencia Arubano di Noticia

FUNDADOR
† Jossy M. Mansur

DIRECTORAN
Eduardo Mansur
Luis M. Mansur
Damilice Mansur

REDACTOR Coordinativo
Aureen Werleman

REDACTOR Ehecutivo
Nilton Laclé
Yorleny Oduber-Quesada
Tania Cunha

REDACTOR
Mercedes Abdul-Hamid
Giovanni Lane

REPORTERO
Hubert Tiel

AVISOS Y ARTE
Franklin Peña (Hefe)
Susy Maduro (Project Manager)
Miguel Garcia
Glenn Gonzaga
Robert Simoons

ADMINISTRACION
Freddy Barreto (hefe di personal)

RECEPCIONISTA
Vivian Maduro

LAYOUT
Alex Croes
Ricardo Jimenez

IMPRESION
William Quiceno
Raul Valencia

ADRES

DIARIO N.V.
www.diario.aw

Miembro di:
Sociedad Interamericana de Prensa

Email: noticia@diario.aw
Engelandstraat 29, Aruba.
P.O. Box 577, P.O. Box 695

Telefon: +(297) 582-6747
Whatsapp: +(297) 561-5325

ALMANAC

Bahada y salida di solo na Aruba

—13 Maart 2025
Solo ta baha: 6:50 p.m.

—14 Maart 2025
Solo ta sali: 6:48 a.m.

583-1190
Aruba y Constanza

Lista di Crusero di bishita na Aruba

—Diahuebs 13 Mar. 2025:
Grandeur of the Seas:
(Debarks at 17:00)

—Diabierna 14 Mar. 2025:
Club Med 2:
(08:00 - 13:00)

—Diasabra 15 Mar. 2025:
Emerald Princess:
(09:00 - 22:00)
Explorer of the Seas:
(16:30 until Sun 16th)

EMERGENCIA NA ARUBA

Diahuebs 13 Maart 2025

DOCTER NA WARD

SAN NICOLAS:
Pa San Nicolas, Docter lo ta na H.A.P. ImSan. Docter tey for di 6'or di anochi te 10'or di anochi.

ORANJESTAD:
Pa Oranjestad, Docter lo ta na Huisartsenpost na Hospital. Docter tey di 6:30 pm te cu 10:30 pm.

BOTICA NA WARD

PARIBA DI BRUG:
Botica San Lucas NV
Zeppenfeldtstraat 49
Telefon 584-5119

PABAO DI BRUG:
Botica Dakota NV
Avenida Milio Croes 45
Telefon 588-7464

e-CONTACT DIARIO

E-mail Redaccion: noticia@diario.aw

E-mail Avisos: aviso@diario.aw

E-mail Deporte: deporte@diario.aw

E-mail Asunto Funeral: morto@diario.aw

Loke Tempo ta Mostra....

•• Condicion di tempo actual lo sigui limita e desaroyo di formamento di nubia significante riba region. Pesey mes tempo lo ta hopi seco awe. Ta anticipa aumento di humedad den capanan mas abao di aire durante mainta, cu chens chikito di yobida.

•• Biento lo ta suplando di pariba cu brisa debil te modera entre 12 y 30 km/h. Lama ta leve te modera cu ola entre 2 y 5 pia.

Rocio a gana 25 mil cu e sorteo di Zodiac Merdia

ORANJESTAD (AAN): reclama su premio.

Recien e dama Rocio a bay E computer a confirma cu cumpra su numbertan vast pa Rocio a gana 25.000 Florin Zodiac, y a gana tambe. Pesey cu Zodiac Merdia. Rocio a riba Diaranson mes el a acudi bisa cu ticket ganador el a na oficina di Lotto pa asina cumpra na Lucky Numbers.

REGISTRO DI TEMPERATURA Y CUANTO AWACERO A YOBE ROND DI ARUBA

For di DIAMARS 8'or mainta te DIARANSON 8'or mainta:

- Temperatura registra na **Aeropuerto, Aruba:**
 - Maximo: **31° C.** Yobida: **0.0 mm.**
 - Minimo: **25° C.**
- Temperatura registra na **Westpunt, Aruba:**
 - Maximo: **31° C.** Yobida: **0.0 mm.**
 - Minimo: **25° C.**
- Temperatura registra na **Santa Rosa, Aruba:**
 - Maximo: **32° C.** Yobida: **0.0 mm.**
 - Minimo: **25° C.**

INFORMACION PA PUBLICACION

REMITIDO

E exigencianan di DIARIO pa publicacion di cualkier remitido ta cu esaki mester bin den forma electronico (sea via FB Messenger, E-mail, USB Drive, CD-ROM, DVD-ROM), incluyendo number, adres, telefon, y firma di e remitente. Mester presenta cu un cedula of ID valido pa verifica e number y adres. DIARIO lo saca fotocopia di bo cedula of rijbewijs. Bo mester enfatiza di antemano, si acaso bo no kier pa bo number worde menciona como remitente!

(Atencion: Ora cu bo no kier pone bo number bao di un remitido, anto automaticamente den e texto bo **NO POR** menciona number di hende of entidad). Remitidonan manda via E-Mail mester tin number completo di e remitente, tambe su adres, telefon y firma pa asina e worde verifica prome cu publicacion. Textonan por ser edita segun espacio, y gramatica tambe lo ser drecha. **No tin garantia** cu e Remitido lo sali mesora den e proximo edicion! Tuma bon nota cu e Remitidonan lo ser publica segun espacio disponible den e edicion.

CUMPLEAÑOS

Pa publicacion di felicitacion pa cumpleaños di 1 aña bay ariba, NO ta acepta foto traha via di fotocopia, tampoco caricatura, ni pa animal. Manda foto na 'noticia@diario.aw'

Contents ©2025 Matutino DIARIO

COPYRIGHT: Nada den DIARIO mag di worde copia sin permiso di Agencia Arubano di Noticia.

Columna E
Sembrado



Sembrado
Diahuebs 13 maart. Di prome siman di Cuaresma aña 2025 Ciclo C

Calendario Liturgico
Lectura: Esther 4, 17k.l.m.r.s.t.;
Salmo: 138;
Evangelio: Mateo 7, 7-12;

"Wel, trata otro hende den tur cos mescos cu bo kier pa nan trata bo. Pasobra esaki ta nificacion di loke ley y e profeta-nan ta siña." Mateo 7, 12

Den e lectura di dia nos a nota e angustia mortal cu Ester a pasa aden. El a busca refugio cerca Dios pa medio di oracion y a laga tur luho un banda y a haci penitencia. Pasobra Dios so ta nos rey. Y Bo ta haci pa nos tur loke Bo a priminti nos, t' Abo so por yuda nos. Pasobra grandi ta Señor su mahestad y fieldad. Ora nos yama Bo, Bo a scucha nos, B'a duna nos forsa y animo pa sigui biba na un manera digno y convincente, Bo ta mantene nos na bida. Manera e Evangelio ta muestra nos pa nos tuma ehempel di Hesus. Dios den su misericordia ta scucha oracion. Den e cariño cu nos ta presenta nos mes na otro ruman den mester, Señor nos Dios ta duna nos loke nos pidi'E basta nos tin fe. Mesun bon cu nos trata otro hende E lo trata nos anto cu hopi mas amor cu nos ta spera pasobra Dios ta ayera, awe, mañan y semper e mesun Dios misericordioso.

Oracion: Señor, semper lo mi pone mi mes den Bo man pa mi bida ta sigur, duna mi curashi pa mi keda riba e bon caminda di santidad, y alabes cu mi por agrada Bo, pa medio di Cristo nos Señor, mi tesoro di mi alma. Amen.

Grupo Centro Pastoral

> SUDOKU <

Conceptis Sudoku By Dave Green

9			4		6			5
	5				2			7
				8				
	4		1					
3	7						5	6
					4		8	
				2				
8			9				2	
4			8		7			3

Difficulty Level ★★★ 10/13

HARI UN TIKI

Juanchito a yega cas y su tata a bise "Wak con bo tin bo wowo, atrobe bo a pleita cu bo amigonan?"
Y Juanchito a contesta "No, papi e biaha aki tabata intercambio di palabra".
"Intercambio di palabra, ki bo kier meen?"
"Si, nos a tira otro cu diccionario den cabez".

BUSCA PALABRA

FRONTERA

P	Y	N	U	F	F	H	T	V	R	O	Q	F	K	Z	K	E	X	E	K
W	D	F	X	B	R	K	O	E	U	B	P	S	B	Z	X	E	A	N	I
S	T	S	S	V	T	T	U	N	J	L	R	B	S	S	R	N	Z	F	X
E	A	O	S	Y	P	N	C	E	A	L	G	L	F	L	I	M	S	J	K
A	S	E	S	P	I	X	H	Z	F	N	J	F	P	J	A	K	B	P	J
Q	L	A	Y	O	H	I	K	U	Y	J	O	F	W	M	P	X	U	R	I
B	R	V	N	T	A	H	U	E	R	S	Y	P	W	E	V	M	S	O	L
E	U	N	X	G	L	U	P	L	F	Y	R	J	I	L	D	D	Z	D	E
M	A	R	I	T	I	M	O	A	U	D	F	Z	Z	K	X	Z	T	U	D
N	M	D	R	O	D	G	R	P	A	J	Y	Y	B	U	E	S	P	C	I
C	U	L	O	T	T	E	D	I	F	E	R	E	N	C	I	A	W	T	U
O	T	J	W	C	T	N	M	A	N	D	A	T	A	R	I	O	G	O	D
M	R	H	N	N	U	I	A	M	X	U	U	U	H	X	D	O	F	N	H
I	C	O	O	B	V	M	O	T	Z	S	Y	P	L	T	B	H	N	A	S
S	C	R	X	Y	Y	N	E	Q	S	Q	V	I	O	I	V	O	T	N	F
I	F	O	L	T	I	U	I	N	Q	A	Q	T	E	Y	I	D	D	E	A
O	Z	E	C	T	C	D	F	U	T	R	R	R	S	C	Y	T	V	I	I
N	F	H	O	H	O	O	R	A	Z	O	N	T	N	D	D	P	P	K	Y
C	N	R	Y	I	N	X	N	K	U	O	N	E	E	V	C	C	R	P	J
A	I	N	P	C	Q	P	Z	D	N	T	T	A	Y	I	K	B	I	M	A
A	C	F	S	T	C	H	B	A	I	N	O	K	N	M	M	D	Z	L	N
E	T	N	E	M	E	T	N	E	I	C	E	R	H	D	J	I	Y	F	O
W	K	E	W	K	Z	W	K	S	O	A	I	W	I	Z	H	X	K	K	I
C	S	G	Q	J	B	E	I	M	M	U	P	O	Y	D	W	J	N	J	C
A	H	L	T	W	C	Y	V	S	Y	W	T	S	N	V	A	H	U	G	A
H	Z	L	R	S	H	T	K	E	O	Q	I	Z	O	N	C	D	K	T	L
Z	F	Y	R	Q	E	P	R	Y	W	V	I	K	E	W	A	W	N	O	E
D	B	T	Y	J	K	U	E	I	O	M	X	F	L	I	S	N	M	A	R
L	E	D	Y	B	D	Y	A	R	U	T	R	E	P	A	E	R	I	N	N
Z	E	U	D	D	E	J	I	K	I	R	W	C	B	I	L	T	H	W	K

- AUTORIDADNAN
- COMISION
- CONDICIONNAN
- DIFERENCIA
- DOCUMENTONAN
- DUIDELIJK
- EKIPONAN
- FRONTERA
- GOBIERNONAN
- INTENCION
- MANDATARIO
- MARITIMO
- MIETRASTANTO
- MONITORIA
- PRODUCTONAN
- REAPERTURA
- RECIENTEMENTE
- RELACIONA
- REUNIONNAN
- VENEZUELA

Answer to previous puzzle

6	3	4	7	8	9	5	1	2
1	2	7	5	6	4	3	8	9
5	8	9	3	1	2	7	4	6
7	1	2	4	9	8	6	3	5
3	9	8	6	5	1	4	2	7
4	6	5	2	3	7	8	9	1
2	4	3	9	7	5	1	6	8
9	5	1	8	4	6	2	7	3
8	7	6	1	2	3	9	5	4

Difficulty Level ★★★ 10/12

Epoca nobo den comunidad y creatividad

Sunrise City Coconut Collective lanza oficialmente na San Nicolas



ORANJESTAD (AAN): Riba Diamars dia 4 di Maart cu a pasa, un grupo vibrante y visionario a lansa e asociacion nonprofit Sunrise City Coconut Collective (SC3) oficialmente na Scol di Arte na San Nicolas.



E evento importante aki a marca e cuminsamento di un movcion dinamico dedica na atende e necesidadnan y interesnan di e comunidad di San Nicolas, Aruba, basa riba un aspecto amplio cu ta enfoca riba conecta e comunidad cu oportunidadnan, recurso y habilidadnan—tur esaki pa medio di participacion activo.

E evento tabata un anochi di inspiracion yena cu energia creativo, reflexion historico poetico y dis-



cusion significante dirigi riba e posibilidad pa traha hunto pa un miho futuro pa San Nicolas. E evento a conta cu presencia di e lidernan di comunidad, NGO's, empresarionan, artistanan y inovadornan—kende tur ta personanan comprometi pa yuda San Nicolas bira un comunidad prospero y inclusivo.

Un Vision Colectivo pa Cambio: A ser splica cu e vision di SC3 ta: "Pa mira e comunidad di San Nicolas empodera cu conocimiento y habilidad pa haya acceso na oportunidad y herment cu lo percura pa ekipa e comunidad di San Nicolas pa transforma



y progresa na prosperidad social y economico."

SC3 no ta simplemente un asociacion sin fin di lucro, e ta un movimiento crea pa fomenta colaboracion entre e negoshinan local, artistanan, empresarionan social y habitantenan. Pa medio di iniciativanan strategico y den cuadro di un estructura di 7 ramo cu ta influencia nos sociedad, SC3 su meta ta pa evalua e necesidadnan diversifica di e comunidad den e siguiente areanan: (*) Gobernacion & Politica, (*) Asuntonan familiar y Social, (*) Educacion & Conocemento, (*) Economia y Negoshi, (*) Religion & Spiritualidad, (*) Media & Comunicacion, y (*) Cultura, Arte & Entretenimento.

E mision di SC3 ta pa "Cultiva Oportunidad y Conexion pa e comunidad pa por Nutri e miembronan di comunidad di San Nicolas, Yuda nan Progresa y Transforma nan den hendenan cu confiansa propio."

Cu e mision aki, SC3 tin e obhetivo pa conecta e



comunidad di San Nicolas cu oportunidad, recurso y herment necesario pa yega na confiansa propio pa medio di participacion activo. E mision ta basa riba e creencia cu transformacion sostenibel ta cuminsa cu empodera individuonan y nutri nan potencial.

E mision di SC3 ta wordo representa den e palabra abrevia (na ingles) COCONUTS. San Nicolas ta conoci como Sunrise City pasobra e ta localisa na e banda pariba di Aruba unda solo ta sali—y esaki a inspira su nomber: Sunrise City Coconut Collective abrevia SC3. E nomber ta sirbi como un afirmacion continuo y ta personifica e spirito di SC3 su mision.

Asina SC3 ta sigui: Cu su prome hunta di directiva eligi forma pa president Zuleyka Lake-Winklaar, vice-president Indira Burke, secretario Ivor Lee, y tesorero Erika Dedier. Como miembronan di Directiva tin Tammy Richardson, Sonny Richardson, y Tabitha Smith-Heemstadt.

SC3 lo lanza un serie di iniciativa dirigi pa comunidad cu e intencion pa cuminsa trece diferente experto y personanan di influencia den diferente ramo hunto y evalua e necesidadnan di comunidad pa hunto nos co-crea e cambio cu nos ta desea pa mira den San Nicolas, cual na su turno lo beneficia e crecimiento enonomico y social di Aruba den su totalidad.

SC3 ta invita henter comunidad pa uni y bira parti di e movcion nobo cu ta lantando na San Nicolas.



Riba piso cinco di Hospital cu bunita bista di lama:

Hospital di Aruba a anuncia proyecto di un Centro nobo di Dialysis

ORANJESTAD (AAN): Durante luna di maart ta pone atencion riba Dia Internacional di Riñon cual ta e aña aki ta diahuebs dia 13 di maart. En conexion cu e luna aki, Horacio Oduber Hospital (HOH) ta mira e oportunidad pa anuncia y comparti cu comunidad di Aruba cu pronto lo start riba un Centro nobo di dialysis.

E proyecto aki a inicia algun tempo atras unda cu a sondea diferente posibilidad pa amplia y trece hunto e clinica di Dialysis y e policlinica di Nefrologia asina brinda servicio na pashent na mesun lugar. Esaki ta cuadra cu e vision di HOH esta "Accessible health care for everyone without compromising on quality".

Proyecto state-of-the-art: "Den luna di maart nos ta pone atencion riba e Dia Internacional di Riñon y ta p'esey a scohe awo pa anuncia y comparti cu comunidad e proyecto nobo aki", asina Gregory Croeze, miembro di Hunta di Directiva di HOH, a inicia bisando.

Ademas el a comenta cu inicialmente e espacio



riba piso 5 tabata programa pa bira oficina pero a prefera pa cambia di idea y destina e piso aki cu un bunita bista pa nos pashentnan di dialysis. E team encarga cu e proyecto pa e Centro di dialysis aki ta consisti di colega di diferente departamento pa percura cu ta cubri tur e puntonan necesario pa e ta un exito.

E pashent na prome lugá: "Como nefrologo mi ta hopi contento cu e proyecto aki", asina nefrologo Romeo Kock a inicia bisando. E ta hopi agradecido cu Hunta di Directiva a tuma e decision pa expande y crea un espacio pa asina HOH haya un "state of the art dialysis center". E centro nobo lo ta ubica riba e

di cinco piso di e edificio principal di Horacio Oduber Hospital, esta den Toren A.

Dokter Kock ta di pen-

cu'n espacio mas amplio y cu un bunita bista di Aruba. Alavez tin idea pa introduci innovacion den tratamiento y door di in-



samento cu riba di cinco piso pashentnan lo sinti nan mes mas contento

corpora e policlinica aki-nan tambe, lo rece cune mehoracion den comunicacion y, intercambio di informacion entre nan tur, esta e specialistanan, e nursenan y sigur e pashentnan.

Experiencia di pashent: Jacco Vroegop, Presidente di Hunta di Directiva di HOH, a expresa cu pronto lo cuminsa cu e destaho publico pa despues cuminsa cu e construccion. E ta spera cu denter di un aña lo por atende e prome pashent den e Centro di dialysis nobo aki. Vroegop a

splica cu parti di e vision di HOH ta encera tambe hospitalidad.

Pronto e pashentnan cu ta tuma dialysis tres biaha pa siman no lo mester sinta wak muraya na manera ta e caso awo, pero lo por tin un experiencia mas bunita cu e bista di nos lama. Esaki tambe ta yuda pa haci e experiencia uno hopi mas placentero, pues un bunita proyecto na beneficio di nos pashentnan di dialysis y no lubida, tambe pa esnan cu ta bishita nos isla y tin mester di dialysis durante nan va-

cacion.

Finalmente Hunta di Directiva ta gradici tur stakeholder interno cu ta trahando duro riba e proyecto aki. Tambe team di HOH ta recorda tur hende cu bo riñon ta mantene bo saludabel pues cuida nan. Bebe suficiente awa, come saludabel y haci ehercicio. Horacio Oduber Hospital ta contento cu un otro paso importante den mehora servicio y calidad di cuido medico pa Aruba henter y alavez pa tur cu ta bishita nos isla.



DEPORTE INTERNACIONAL

Bills a firma contrato di 1 año cu Joey Bosa na balor di 12.6 miyon dollar



E acuerdo di Bosa ta inclui 12 miyon dollar garantisa y por yega te cu 15.6 miyon dollar via incentivanan, segun Ian Rapoport di NFL Network.

San Francisco 49ers y Miami Dolphins tabata otro ekiponan interesa.

Bosa tabata tin un chens di hunga cu su ruman homber menor Nick Bosa, kende ta hunga pa

BUFFALO: Buffalo Bills a firma un contrato di 1 año cu 5 biaha Pro Bowl defensive end Joey Bosa, na balor di 12.6 miyon dollar, segun Adam Schefter di ESPN.

San Francisco.

Los Angeles Chargers a laga e hungador di 29 año bay, despues cu el a hunga 9 temporada pa nan.

Blue Jays a ofrece Guerrero prolongacion di 500 miyon dollar cu el a rechaza



TORONTO: Prome cu e negociacionnan rond di e contrato nobo entre Vladimir Guerrero Jr. y Toronto Blue Jays a termina, e ekipo a ofrece nan primera base strea un prolongacion di alrededor di 500 miyon dollar made Vladimir Guerrero Jr.

E oferta tabata inclui placa diferi, cu lo a pone e balor actual di e contrato na 400 pa 450 miyon dol-

lar, segun Jon Heyman di New York Post.

E diferencia entre locual Guerrero tabata kier y locual Toronto a ofrece a keda alrededor di 50 miyon dollar.

E hungador di 25 año kier un contrato largo cu un balor actual di 500 miyon dollar, segun Ken Rosenthal di The Athletic.

Scherzer di Blue Jays tin dolor na su duim drechi



DUNEDIN: Max Scherzer no por tira su wega di Spring Training pa Toronto Blue Jays awe, debi na un dolor cu e ta sinti na su duim drechi.

Manager di Blue Jays John Schneider a bisa cu e ekipo ta cauteloso cu e pitcher drechi di 40 año. Nan ta bay examina e duim hopi bon, pa despues determina cuanto tempo Scherzer mester keda sin

tira.

E tres biaha ganador di Cy Young a firma un contrato di 1 año cu Toronto, na balor di 15.5 miyon dollar.

El a tira 3 biaha caba den Spring Training y den 9 inning el a permiti 2 careda, mientras cu el a poncha 14 bateador sin permiti un base por bola.

Dortmund a bin bek pa gana Lille y pasa pa quart final di Champions League



FRANCIA: Despues cu e prome wega di Octavo di final di Champion entre Lille y Borussia Dortmund a keda empata 1-1, ambos ekipo Diamars tabata buscando un triunfo pa pasa pa quart final di e torneo.

Lille a cuminza bon y tabata tin un ventaha den prome mitad, pero na final Dortmund a bin bek pa gana e wega 2-1, pa asina pasa pa ul-

timo 8 di Champions League.

E gol di Lille a wordo anota pa Jonathan David den di 5 minuut, mientras cu tabata den di 54 minuut cu Emre Can a anota un penalty pa empata e wega pa e ekipo Aleman.

Apenas 11 minuut despues Maximilian Beier a anota e gol ganador pa Dortmund.

Franklin Lopes a gana Copa Himno y Bandera den masters di ping pong



ORANJESTAD (AAN): Diamars den Club Estrella na Santa Cruz a tuma lugar e Copa Himno y Bandera di ping pong, den e categoria masters.

Tabata un tremendo bataya entre e fiel hungadornan di hopi aña y na final Franklin Lopes a bay final y a logra gana Alfred Leong.

Lopes pues a gana e medaya di oro, Leong a gana e medaya di plata, mientras cu Wing Chow Leong a termina na tercer lugar, pa asina bay cas cu e medaya di brons.

Den e dianan cu ta bin e diferente competencianan rond di Himno y Bandera lo sigui y den diferente categoria.



Feliz Dia di

Himno y Bandera

En conexion cu Dia di Himno y Bandera nos oficianan lo ta cera riba dialuna 17 y diamars 18 di maart 2025.



Den caso di emergencia, por yama libremente nos Storingsdienst na 523-7147.

NEW MOVIES FROM MARCH 13TH CHECK

THE MOVIES

* PRINCIPAL
* RENAISSANCE

GLORIA
movies dining entertainment play



www.themoviesaruba.com
for the show times!

Concerts Weekend: free entrance when buying the Combo 1



NOVOCAINE



LAST BREATH



SHAKIRA - El Dorado Tour

MARCH 14 - 2025



KAROL G
Festival de la Canción de Viña del Mar 2023

MARCH 15 - 2025



CUBA!
Starring Simply Red

MARCH 16 - 2025



Noticianan for di Hulanda

Training di brandweer a pone hende yama number di emergencia den panico



HULANDA: E asina yama Kerkplein na Olst Diamars anochi tabata yena cu tur tipo di vehiculo di emergencia, incluyendo trucknan di brandweer.

Un cantidad di ambulans tambe tabata presente na e Iglesia, unda cu tabata tin un training realistico

di candela. Problema ta cu hendenan den e pueblo cu no tabata sa di e training, a cay den panico y a cuminsa yama e number di emergencia, ora cu nan a wak candela. Esnan cu ta biba cerca di

e iglesia por a wak si cu e serviccionan di emergencia tabata presente.

Personanan cu ta biba mas leu lo a pensa cu e toren di iglesia di berdad tabata na candela y ta e hendenan aki a yama e number di emergencia, 112.

Empleado di prison na Ter Apel kita di trabao pa tene relacion cu preso



TER APEL: Un empleado di e prison Penitenciaire Inrichting (PI) na Ter Apel siman pasa a wordo retira di trabao di inmediato.

Esaki debi na e hecho cu e tabata tin un relacion cu un di e presonan.

Esaki Dienst Justitiële Inrichtingen (DJI) a duna di conoce Diaranzon.

“Relacionnan no permiti den cualkier forma entre empleadonan

y presonan, dentro di DJI no ta wordo acepta”, e servicio di husticia a trece dilanti.

Segun un rapport di DJI cu tur luna ta wordo saca, na diferente ocasion tin casonan similar unda cu empleadonan y presonan tin relacion cu otro.

Esaki ta absolutamente prohibi y pesey e empleado a wordo kita di trabao di inmediato.

Tres Spaño deteni na parke di vacacion na Hulanda pa abuso di mucha



HULANDA: Dialuna polis a detene tres Spaño cu ta wordo sospecha di ta involvi den casonan sexual.

E detencion a sosode na un parke di vacacion na Hulanda.

E asina yama Fugitive Active Search Team Netherlands (FAST-NL) riba 6 di Maart for di Spaña

a ricibi e pe tidion pa busca y detene e tres sospechosonan. Ta trata di dos caso sexual separa.

Den e prome caso dos ruman homber di 28 y 30 aña ta wordo

sospecha di mishi na un manera sexual y inapropia cu un persona, maltrato y violencia sexual.

Den e di dos caso un homber di 36 aña ta wordo sospecha di a comete actonan sexual cu menornan di edad di entre 13 cu 16 aña.

E homber lo a graba videonan di esaki tambe.

Sospechoso di 51 aña deteni pa asesinato di 21 aña pasa



HULANDA: E asina yama cold-caseteam di polis di Rotterdam den cooperacion cu autoridnan di Suecia a detene un homber di Libya di 51 aña, riba e sospecho cu el a comete un asesinato na Rotterdam na 2003.

Dialuna e homber a wordo hiba dilanti di Huez Comisario kende a prolonga su detencion cu 14 dia. Tabata riba Diadomingo dia 14 di September di 2003 cu agentenan despues di ricibi un melding di 112, a encontra e curpa sin bida di

un habitante di Rotterdam di Tunisia di 33 aña.

Tur cos a indica cu e persona a wordo asesina.

Mesora a cuminsa un investigacion grandi, pero no a logra gara un sospechoso.

A haya si rastronan di DNA.

Ta via e DNA aki a haya un match cu e DNA di e sospechoso na 2019.

Debi na leynan di privacidad a tarda algun aña pa por a detene e persona.

Noticia Internacional

INTERNACIONAL

NOTICIA FOR DI COLOMBIA

FARC Y ELN ATACANDO OTRO AWOR CU DRONES

CUCUTA: Habitantenan di Catatumbo na departamento Norte de Santander, ta keto bay den panico awor cu violencia a escala entre e gruponan disidente di FARC y di Ehército di Liberacion Nacional (ELN). E enfrentamentonan aki no a djis aumenta cu frecuencia, sino cu awor nan ta haci uso di Drones carga cu explosivo, y e tactica aki a cende tur alarma entre poblacion y autoridadnan. Ehército Nacional a logra intercepta video, unda bo ta mira con Drones ta wordo usa pa ataca posicionnan rival na diferente lugar den departamento. Hecho ta cu Drones por transmiti imagen en vivo y bo ta mira con nan ta laga e explosivo cay net riba e area di atake, y causa explosion enorme riba nan enemigo. Diamars mainta, comunidad Tibú a raporta enfrentamentonan fuerte den e zona rural ey. Eynan e guerra entre e gruponan ilegal aki ta rond di e control di comercio ilegal, manera narcotrafico. E magnitud di atakenan tin hopi impacto riba e bida di tur dia di e habitantenan.

MUCHA DI 14 AÑA A SER TIRA MATA RIBA CAYA

BARRANQUILLA: Hopi miedo ta plamando den bario Las Americas, cu ta keda den zona metropolitano di Barranquilla, despues di e asesinato violento cu tiro riba un hoben di apenas 14 año di edad, door di algun hende desconoci riba motorcycle den oranan di mainta. E victima fatal di e atake teribel aki a wordo identifica door di Polis como Saúl Enrique Sepúlveda Orozco. Segun testigonan cu tabata pasando den e area ey banda di 11:25 am, nan a mira e hoben Saúl Enrique ta canando riba caya. Diripiente dos homber cu ta riba un motorcycle marca Boxer color preto, a bin para su dilanti, y cu un arma di candela den man nan a tira varios biaha riba dje, y despues nan a sigui nan rumbo lagando e victima benta eybao. Habitantenan a core yega pa duna asistencia, pero e mucha ya tabata benta eybao gravemente herida. Nan a hibe pa un Clinica, pero pa 12:22 pm Docter na Warda a constata morto. E mucha tabatin tres impacto mortal di bala, di cual dos na pecho y uno na pia drechi. Polis Metropolitano di Barranquilla awor ta investigando.



PRESO 11 CIRUHANDO PLASTICO DIPLOMA FALSO

BOGOTA: Corte di Husticia a dicta sentencia di entre seis y siete año di prison pa 11 Docter, kendenan via di documento falso a logra haya diploma di Universidadnan na Brasil cu tabata acredita nan como docter especialista den cirugia plastico y estetico. Huez a impone castigo di 7 año di prison na ocho di e acusadonan aki. E otro tresnan, a haya 6½ año di prison, fuera un multa masha grandi mes. Ningun di nan mag di haci trabao di Docter pa cinco año despues cu nan sali for di prison. E Docternan condena aki a haci uso di documentonan falso, unda ta indica cu nan a sigui curso di 2.616 ora presente na un scol postgrado na Brasil. Pero a keda comproba cu nan no a cumpli cu e rekesitonan existi door di e Universidad, y cu nan tabata na e pais pa djis periodonan cortico. Esey ta e motibo pakico Huesnan na Bogota a condena nan na castigo di riba di 6 año di prison. Tur a wordo haya responsabel di a usa documento falso y fraude. Pues hamas nan a cumpli cu e rekesito di sigui les pa 4 año largo cu e Universidad ta exige. Nan a djis keda como 51 dia, y otronan a keda 95 dia maximo na Brasil, y a haya diploma toch.

Despues di yega na un acuerdo cu Merca, Zelensky a bisa cu e ta spera un accion fuerte di Trump si Putin rechasa e tregua



KIEV: Presidente di Ukraine, Volodymyr Zelensky, a declara diaranson cu e ta spera un respuesta “fuerte” di Merca na Rusia si Kremlin rechasa e oferta di un tregua di 30 dia presenta pa Washington y Kiev.

E propuesta di para e combate entre Rusia y Ukraine despues di mas di tres año di brutal guerra a surgi di dialogo intenso entre funcionarionan ucraniano y mericano na Arabia Sau-

dita.

Esaki tambe a tuma lugar despues di un explosivo enfrentamento entre Zelensky y Donald Trump, cu a kita congelacion di ayudo militar na Ukraine despues cu Kiev a acepta e plan di tregua, e ultimo di varios acontecimiento relaciona cu e conflicto.

Zelensky a declara na prensa na Kiev cu Merca lo pone presion riba Moscu si nan no acepta para e combate cu a cobra

miles di bida.

“Mi ta compronde cu nos mester conta cu medidanan fuerte. Ainda mi no sa e detayenan, pero nos ta papia di sancionnan y fortalece Ukraine”, Zelensky a declara na prensa. “Tur cos ta depende si Rusia kier un tregua y silencio, of si nan ta prefera sigui mata hende”, el a añadi.

Hasta si Rusia acepta un tregua, ainda tin hopi incertidumbre den negociacionnan. Ukraine a pone presion pa haya garantiannan di seguridad, pero Trump a descarta miembresia den NATO.

Kremlin, den su prome declaracionnan riba e propuesta, a señala cu nan ta wardando detayenan di Washington.

Connmocion na Inglatera: polis a aresta un mucha di 13 año pa un asesinato brutal

LONDON: Un mucha di 13 año a wordo formalmente acusa di asesinato y cuminsa un candela cu intencion di causa peligro di bida, despues di e hayasgo di culpa di un muher den un cas na Wellingborough, Northamptonshire, Inglatera. E caso, cu a conmociona e comunidad, a wordo revela despues cu servicionan di emergencia a responde na un alarma pa un candela dialuna den oranan di marduga.

Polis local a confirma cu e hayasgo a tuma lugar alrededor di 3’or di marduga den un propiedad situa na Newcomen Road. Segun prensa, autoridadnan a haya e culpa sin bida di un muher cu, aunke no a wordo identifica formal-



mente, autoridadnan ta kere cu ta trata di Marta Bednarczyk, di 43 año y mama di tres yiu. Autopsia preliminar a determina cu e victima a fayece debi na un “lesion cu un obheto skerpi”.

E mucha, cu identidad no ta wordo divulga pa motibonan legal, a wordo aresta

dialuna, algun ora despues di e suceso, y a presenta den Corte di Northampton.

Inspector hefe Johnny Campbell, cu ta lidera e investigacion a expresa su gradecimento na e ekipo policial pa nan trabao incansabel.


Noticia Internacional

Trump a bisa cu e lo suspende tarifa di 50% contra Canada algun ora despues di anuncia esaki

WASHINGTON: Presidente di Merca, Donald Trump, a laga porta habri pa suspende tarifanan adicional riba hero y aluminio canades despues cu gobernador di Ontario a anuncia suspension di tarifanan riba coriente cu ta wordo suministra na Merca.

“Tin un señor hopi fuerte na Canada cu a bisa cu e lo impone tarifanan y otro gastonan di coriente di Merca y nos a wordo informa cu nan no ta bay haci esaki”, Trump a informa den un evento na Cas Blanco hunto cu Elon Musk.

Trump a añadi cu “probablemente” e lo reconsidera e tarifanan nobo anuncia



contra Canada den represalia na anuncio di gobernador di provincia di Ontario, Doug Ford.

Trump a anuncia tres ora prome, cu e lo duplica tarifanan previsto riba hero y aluminio procedente di

Canada, di 25 % pa 50 %, den respuesta na decision di provincia canades di Ontario di impone un tarifa riba coriente cu nan ta suministra na Merca cu un 25 %.

“Basa riba decision di Ontario, Canada, cu a impone un tarifa di 25 % riba coriente cu ta drenta Merca, mi a duna orden na mi Secretario di Comercio pa añadi un tarifa adicional di 25%, hasta 50%, riba tur hero y aluminio cu ta drenta Merca for di Canada, un di e paisnan cu ta impone mas tarifa na mundo. Esaki lo drenta na vigor diaranson mainta dia 12 di maart”, Trump a post riba medianan social.

Canada lo aplica tarifanan riba productonan di Merca pa mas di 20 mil miyon di dollar: “Esaki ta bay ta un lucha di tur dia”



TORONTO: Gobierno Canades a anuncia diaranson represalia comercial contra Merca despues cu gobierno di presidente, Donald Trump, a anuncia aumento di tarifa di 25 % riba importacionnan di hero y aluminio.

Canada lo impone entrante diahuebs tarifanan di un 25 % riba 29.800 miyon di dollar canades (20.700 miyon di dollar) riba productonan procedente di Merca, segun anuncio di Minister di Finanzas, Dominic LeBlanc; Exterior, Melanie Joly; y Industria, Francois-Philippe Champagne.

E futuro Prome Minister

Mark Carney, politico y economista liberal, a bisa cu e ta dispuesto na dialoga cu Trump pa trata di desescala e tipo di medidanan.

Diamars pa 12’or di marduga, Merca a cuminsa aplica e tarifanan riba importacionnan di hero y aluminio procedente di tur parti di mundo, tarifanan cu ta wordo agrega na otro nan cu Gobierno mericano a cuminsa siman pasa riba productonan canades exclui di tratado T-MEC.

LeBlanc a señala den un conferencia di prensa cu represalianan canades lo wordo aplica na 12.600 miyon di dollar canades

di importacionnan di hero di Merca. E tarifanan di represalia tambe lo afecta otro 14.200 miyon di dollar canades di productonan manera hermentnan, ekipo deportivo y productonan traha di hero.

E tarifanan nobo ta wordo agrega na esnan cu Canada ya ta aplicando desde comienso di maart na otro 30.000 miyon di dollar canades di importacionnan mericano, desde bebidanan alcoholico na juice di apelsina y electrodomestico.

Den total, Canada a impone tarifanan di 25 % cerca di 60.000 miyon di dollar canades di importacionnan mericano.

“Nos Gobierno lo sigui traha sin descanso pa convene gobierno di Trump pa bandona totalmente e tarifanan cu ta absolutamente inhumana”, LeBlanc a añadi.

INTERNACIONAL NOTICIA FOR DI VENEZUELA

ARMA RUMBO PA GRUPONAN DI FARC CONFISCA



MARACAIBO: Despues di labornan intenso di inteligencia, militarnan di Guardia Nacional Bolivariana a confisca un lote grandi di material di guerra cu tabata rumbo pa disidencia di Fuerzas Armadas Revolucionarias di Colombia (FARC). Oficialnan a confirma cu e material tabata dera den un hanchi, cu tin acceso na e caminda rural di Kilometer 12, di carretera nacional Machiques-Colon, na altura di municipio Jesús María Semprún, cu ta cerca di frontera di estado Zulia cu Colombia. Tur cos a start despues di un accion den dia 16 di Februari, unda a confisca un arma di candela cu hopi municion y a detene cuatro delincuente, cu ta di un grupo irregular di disidencianan di FARC. Despues di a analisa e smartphone di e cuarteto, a logra haya na e lugar ey monton di arma y municion dera, y 2 walkie-talkie.

ESTADO FALCON TAMBE CLA PA CARIBE WAVE

PUNTO FIJO: Dia 20 di Maart venidero lo tin e training di Caribe Wave 2025, via cual UNESCO ta promove e cultura preventivo den caso cu un Tsunami presenta su mes, y pesey estado Falcon na Venezuela tambe ta den preparacion, segun Proteccion Civil a laga sa. A tene reunion caba pa haci preparacion, y na esaki tin representante di diferente Cuerpo Policial, unda a revisa e indicadornan di Observatorio di Seguridad Ciudadana. Plannan pa prioriza patruyahe den sectornan mas vulnerabel, y con pa concientiza ciudadanonan pa asina reduci accident di trafico.

A BIN HAYA DROGA SCONDI DEN DOS FAN

SAN CRISTOBAL: Narcotraficantenan ta sigui keda pensa y kibra cabez, ta unda nan por sigui sconde droga pa asina keda activo cu nan trabao como contrabandista. Ata awor nan a haya idea di haci uso di Fan cu ta bin cu nan pia, pa asina manda aire den un cas of oficina. Pasobra ta conoci cu varios 'Standing Fan' ta bin cu

un base basta diki abao pa mantene balans y evita cu e Fan ta sali cay. Un contrabandista a cruza recién frontera di Cucuta na Colombia pa drenta Venezuela. Autoridadnan venezolano di Forza Armada Nacional Bolivariana staciona na municipio Ureña a nota cu e persona aki a drenta territorio Venezolano cu 2 fan riba su motorcycle, y nan a dicide na haci control. Papiando cu e homber, nan a nota cu el a bira hopi nervioso. Ora cu a bay revisa e Fan, a nota cu e motor ta bon y e grille pa aire pasa tambe ta bon. Pero e base abao ta muestra basta pisa. Ora di bay check esaki, a bin descubri cu tur dos stand tin 45 sakito transparente conteniendo cocaina, y a pisa 40 gram. E manehador a keda deteni, y nan a confisca su motorcycle y tambe su smartphone.

un base basta diki abao pa mantene balans y evita cu e Fan ta sali cay. Un contrabandista a cruza recién frontera di Cucuta na Colombia pa drenta Venezuela. Autoridadnan venezolano di Forza Armada Nacional Bolivariana staciona na municipio Ureña a nota cu e persona aki a drenta territorio Venezolano cu 2 fan riba su motorcycle, y nan a dicide na haci control. Papiando cu e homber, nan a nota cu el a bira hopi nervioso. Ora cu a bay revisa e Fan, a nota cu e motor ta bon y e grille pa aire pasa tambe ta bon. Pero e base abao ta muestra basta pisa. Ora di bay check esaki, a bin descubri cu tur dos stand tin 45 sakito transparente conteniendo cocaina, y a pisa 40 gram. E manehador a keda deteni, y nan a confisca su motorcycle y tambe su smartphone.

*I did not die.
That's why I did not say goodbye.
I just opened my wings and went on a journey.
You stayed behind.
Do not let sadness dominate you.
Stay united with each other for my soul, for
that will be my greatest joy.
Remember me with lots of love.*

It is with profound sadness and deepest sorrow that we announce the passing of our beloved Sister, Aunt and Cousin:



Victoria Hanley
***16 September 1949**
†24 February 2025

Left to mourn her loss:

Father: †James Hilton Hanley
Mother: †Andrea Donker- Hanley
Brothers & Sisters:
† Victor Hanley
† Virginia Hanley
James Charles Hanley

A special thanks to Miertje Curiel for taking special care of our beloved sister Victoria, we are forever grateful and thankful for all you did, from her brother James Hanley.

Cousins:
Hanley in Curaçao
Pieters in Curaçao
Gibbs in Aruba
Emanuel in Aruba
Manuel in St. Maarten
Donker in St. Maarten
Romoen in St. Maarten & Aruba
Myres in St. Maarten
Nieces, nephews, relatives and friends that are too numerous to mention.

The Funeral Service will take place on Friday, March 14th, 2025 from 9:00 Am till 11:00 Am at Ad Patres Funeral Home & Crematorium in San Nicolas.

Afterwards, Her body will be laid to rest in the Catholic Cemetery in Zeewijk, San Nicolas.

Please forgive us if during the moments of our bereavement we fail to mention any other family member or friends
Staff and Management of Ad Patres Funeral Home & Crematorium extend their most sincere condolences to the bereaved family.



AD PATRES
funeral home

Van Rensselaerstraat 2
584-2299 / 737-2299
adpatres@qualityservice.com
Family owned and operated

Maikel Gomes, PR di Bureau City
Inspector cu yamada pa pueblo:

Si ta wak hendenan cu ta bin tira
sushi den barionan tuma number di
auto, saca potret, y mand'e pa BCI
***Por haci denuncia cerca PR directamente**



ORANJESTAD (AAN)—Relacionista Publico di Bureau City Inspector, ta haci un yamada na ciudadanonan di tur bario, y vooral na esnan di Grapefield, cu si nan por mira e autonan cu ta bin baha sushi eynan, tuma nan number di auto y saca potret, y manda nan pa City Inspector, sea via Fixi, facebook, of yama su persona directamente, p'asina nan por tuma medida.

Na Grapefield e situacion a bira di mas caba. Hopi hende ta bisa cu nan no ta meld pasobra nan tin miedo pa represalia, pero esey no ta e caso.

E situacion na Grapefield

ta hopi deplorable y tristo, tin basta saco di sushi, tambe di sucu y hopi sucu ta benta abao y por mira abeha, musca, maribomba, etc. E ta muestra cu ta algo di comercio, sea cu e comerciante ta haci esaki of ta paga hende pa hacie, y BCI ta condena esaki completamente.

Gomes a expresa cu a bira momento pa BCI tuma medidanan mas drastico den e caso aki, y el a haci un yamada pa pueblo haci uso di Baki den Bario. Nan tin Baki den Bario dia 5 di April, y pa evita pa hende tira sushi den mondi, e Bureau di Minister a bin cu ne.

Doño a descubri dos homber hortando den ex-Jimmy's Place

ORANJESTAD (AAN): Riba Diamars marduga banda di 1:20 am, net ora cu unidad di Polis di Playa ta pasando den area di La Granja Restaurant na Playa na Zandstraat, nan a bin topa cu un persecusion na pia andando.

Nan a mira dos persona desconoci ta coriendo tras di un homber riba bicicleta. Durante un investigacion, e doño di e edificio di ex-Jimmy's Place a bisa cu su trahadornan a rek care-da sali tras di un ladron cu awor ta huy riba un bicicleta. Tambe el a bisa cu el a logra wanta un otro ladron

paden di su edificio.

Polis a core bay den e edificio, y aki a bin topa cu e homber conoci pa Husticia di inicial H. A resulta cu e homber H. tabata hunto cu e homber riba e bicicleta y e doño di ex-Jimmy's Place a bin gara nan eyden cometiendo kiebro y ladronia.

Polis a aresta e conocido homber H. pa 1:50 am. Tambe a pidi pa presencia di team forensico di BFTO pa check vingerprint eynan. Na final a pone Central di Polis y Hefe di Servicio na altura di tur esaki.

Pa chica Pos - Habri tuberia y wc.
Servicio lihe y confiablel.

Experiencia ta manda
CICLONE
Septic Tank Service

Tel: 564-0607 / 734-0607

TIRA SUSHI AFO

Chapi, verf, corta mata, plumbing, pega tegels, maintenance. Dialuna pa Diadomingo, Whatsapp: 561-1397

DIRECTV

A miho T.V. na Aruba, movies, sports, kids, news & more.
Yama awo cel: 733-5762
DirecTV cambia bo vida

SUSHI

Nos ta lanta sushi di cura lage limpi limpi mane un soño. Pa solamente 50,- y Ecotech ta apart. Yama nos na 592-5766 of 561-5179
Arubiano trahado.

CONSTRUCCION REMODELACION

Nos ta traha y drecha tur sorto di dak: shingle, eterniet, panchi, zink. Pega bloki, tegels, plafond, pleister, pone porta, lanta cura, basha vloer, construcccion di cas y apto bon prijs. Free quotation.
Tel: 561-2137

ASSOCIATED REALTORS

TA BENDE
Un cas di 3 camber y 2 baño na Fortheuvelstraat/ S.N., tereno erfpacht 582 m², construi 161 m²
y pa Afl.430.000,00
Yama Mito na 593-6318

CARPINTERIA FINA

Kitchen cabinet, closets, mueble de baño, verf bo cas.
Tel: 563-0588

Ta busca

un dama pa limpieza di cas 2 mainta pa siman, cada mainta 4 ora. Preferiblemente un amante di animal.
Por jama na telefoon 5920101 pa mas informacion.

TA BENDE

Un mesa billiard bon condicion cla pa hunga. Por wak e na Club Primavera di yama cell: 560-2317.
Tin tur su articulonan.

MARLUP

IMPORT & CONTRACTORS N.V.
Ta busca 2 trahado local of cu permiso pa mara hero y haci delivery. Preferibelmente cu experiencia den construction of cu habilidad pa siña lihe. Por aplica via email marlupcontractorsnv@gmail.com. Pa mas info por yama 564-2072

DIARIO

Pa noticia, cumpleaños, comentario, redaccion:
noticia@diario.aw

Tel: 582-6747

Whirlpool®
FLASH SALE

WHIRLPOOL WEEKEND SALE EVENT

14 AND 15 MARCH 9AM- 6PM

WIN A AWG750 GIFT VOUCHER

WHEN YOU PURCHASE ANY WHIRLPOOL APPLIANCE ON CREDIT
& GET AUTOMATICALLY ENTERED INTO A MONTHLY DRAW.

SAVE AWG2600



25 CU. FT.
FRENCH DOOR
FINGER PRINT
RESISTANT FRIDGE
WRX735SDHZ

**NOW
AWG5999**
WAS AWG8599

SAVE AWG300



11 CU. FT.
TOP MOUNT
FRIDGE WITH
TWIST ICE
WRW32CKTWW

**NOW
AWG1199**
WAS AWG1499

SAVE AWG486



18 CU. FT.
TOP MOUNT
FRIDGE
WT1818A

**NOW
AWG1899**
WAS AWG2385

SAVE AWG1700



28 CU. FT.
SIDE BY SIDE
FRIDGE WITH
ICE & WATER
DISPENSER
WRS588FIHZ

**NOW
AWG4499**
WAS AWG6199

SAVE AWG406



30" STOVE
4 SEALED
BURNER
(STANDARD)
LWF7230Q

**NOW
AWG999**
WAS AWG1405

SAVE AWG296



17 KG
TOP LOAD
WASHER
1CWTW4815EW

**NOW
AWG1399**
WAS AWG1695

SAVE AWG570



24" DISHWASHER
BUILT IN FULL
CONSOLE -
3 WASH CYCLES
WDF341PAPM

**NOW
AWG999**
WAS AWG1569

PROMOTIONS ENDS MARCH 31ST, 2025. CONDITIONS APPLY.

**SHOP TODAY
PAY US LATER!**



569-2407
AMC EAGLE MEGASTORE

568-9070
AMC SAN NICOLAAS

HORARIO: 9am - 6pm
DIALUNA PA DIASABRA

amc unicon

Alumnonan di Colegio Nigel Matthew a pasa dilanti White House na Washington



ORANJESTAD (AAN): Manera cu DIARIO a trece dilanti caba, siman pasa un delegacion di 80 alumno di Colegio Nigel Matthew a bula pa Merca. Hunto cu e alumnonan a biaha 13 docente. Hefe di delegacion ta sr. Ricky Arends y representacion oficial di Colegio Nigel Matthew ta sr. Whitney Kock. Pa ta exacto nan a biaha pa New York y despues

sigui pa Maryland.

Meta di e biahe di estudio ta pa e alumno cera conoci di cerca y experencia un dia na tres diferente universidad.

Nan a bishita University of Maryland Baltimore County, unda a haya bista di e campus y demas facilidad di estudio. Fuera di esey, nan a haya chens di bishita tambe Washington D.C. y a pasa tambe



riba Pennsylvania Avenue, dilanti famoso White House.

Awe Diahuebs 13 di maart e delegacion lo yega Aruba di

regreso despues di un biahe hopi intensivo y educativo.